

明大政記


十一之三

漢書門			
八	七	九	八
六	七	八	號
一	二	五	架
一	二	冊	類

內閣文庫			
八	七	九	八
一	二	冊	號
二	四	函	架

內閣文庫			
番號	漢	8798	
冊數	12	(1)	
函號	284	59	

編年十五



皇明大政記引

太史公本紀十二卷孟堅帝紀如之歷代相仍煩簡不

同義例則一國朝定曰大政記臣鄭曉十卷雷禮二

十卷鄧元極卷夫政莫備于國史藏之天上三公

生文明之世竭著作之才可謂盛矣于國史似未得

盡見故質之有合有不抑史可盡信乎褒貶筆削賢者

局于見聞等而下之甚至叅以愛憎未足徵信惟戎祀

大端興革升除大較編纂官取諸司章奏彙而存之所

謂實錄者惟此為實因借巨室原本諸家抄本亦有二其一刪半閱

之最著者聖訓別白為記最煩者儀注見之會典奏

疏頗多條陳事項與犯上干主有之乖忤貴臣則寥寥
矣聞萬曆四五年間彈江陵奪情本俱不纂入乃斷自實處摘出合前三書
比對增之損之至于再四頗亦自盡心力而所當錯亂
脫落處不少意終未安後取閣本細較訂正始快垂畢
而告歸若有數焉其史所不載確者間有所增它名臣
傳中所錄非不可喜可書而日月難考不敢輕入從省
從真亦從其重夫是之謂大政

崇禎五年壬申三月

謹識

先一年辛未二月

神宗皇帝實錄進

呈

先天啟三年癸亥六月

光宗皇帝實錄進

呈

書有凡例非古也近代作者每每借標焉聞之先正
曰發凡舉例此未易言也凡而曰發如伏弩然中遠
必中的例而曰舉如扛鼎然從重不從輕蓋閱碩之
儒聚會商量酌急緩大小之宜祖魯史削筆而演其
緒故足術也我朝國史所定必由宸斷尤爲鄭
重若天之星辰地之河嶽斯固無容擬議而援引書

目則 國史開館羅俊又盡發 先朝所積者供其
 漁獵旁採諸司遠及郡國當不勝書他若藏萬卷之
 樓窺二酋之室者不妨臚列開人心目此希世奇邁
 可羨不可及難以竊附自雄者湖邊老儒所見只
 國史一書吾學編二三種局于見聞守其固陋樵夫
 採薪不必良材農掘井不必冽當其負而終日流汗
 汲而斗水半泥自謂吾力已竭不虛此一段光景而
 高人韻士見且咲之又復咲咲相應分量有限即指
 薪為檜啜泥如美固亦各存本色不可彊而責以持
 月宮之斧泛天漢之槎非其質矣自計名山必不收

通都必不顧筆之禿木之災皆所自取而又何凡例
 書目之足云乎門類既分卷帙有限姑摘出冠于簡
 端

皇明大政記目錄

第一卷

太祖高皇帝生之戊辰起兵之壬辰至

吳元年丁未

第二卷

洪武元年戊申至三年庚戌

第三卷

洪武四年辛亥至十一年戊午

第四卷

洪武十二年己未至十九年丙寅

第五卷

洪武二十年丁卯至二十五年壬申

第六卷

洪武二十六年癸酉至三十一年戊寅

第七卷

建文元年己卯至四年壬午

第八卷

永樂元年癸未至七年己丑

第九卷

永樂八年庚寅至二十二年甲辰

第十卷

洪熙元年乙巳

第十一卷

宣德元年丙午至三年戊申

第十二卷

宣德四年己酉至十年乙卯

第十三卷

正統元年丙辰至六年辛酉

第十四卷

正統七年壬戌至十四年己巳

第十五卷

景泰元年庚午至七年丙子

第十六卷

天順元年丁丑至八年甲申

第十七卷

成化元年乙酉至五年己丑

第十八卷

成化六年庚寅至十四年戊戌

第十九卷

成化十五年己亥至二十三年丁未

第二十卷

弘治元年戊申至八年乙卯

第二十一卷

弘治九年丙辰至十八年乙丑

第二十二卷

正德元年丙寅至四年己巳

第二十三卷

正德五年庚午至九年甲戌

第二十四卷

正德十年乙亥至十六年辛巳

第二十五卷

嘉靖元年壬午至二年癸未

第二十六卷

嘉靖三年甲申至六年丁亥

第二十七卷

嘉靖七年戊子至十年辛卯

第二十八卷

嘉靖十一年壬辰至十五年丙申

第二十九卷

嘉靖十六年丁酉至二十年辛丑

第三十卷

嘉靖二十一年壬寅至二十六年丁未

第三十一卷

嘉靖二十七年戊申至三十一年壬子

第三十二卷

嘉靖三十二年癸丑至三十六年丁巳

第三十三卷

嘉靖三十七年戊寅至四十一年壬戌

第三十四卷

嘉靖四十二年癸亥至四十五年丙寅

第三十五卷

隆慶元年丁卯至三年巳巳

第三十六卷

隆慶四年庚午至六年壬申

皇明大政記卷之一

少師建極殿大學士臣朱國禎謹輯

大明太祖聖神文武欽明啟運俊德成功統天大孝高

皇帝

嘉靖十七年十一月辛未朔改上

大明太祖開天行道肇紀立極大聖至神仁文義武俊

德成功高皇帝

戊辰

元文宗天曆元年

上生于濠州御諱元

章

初諱興宗後起

兵改字國瑞帝顓頊後封于邾子孫去邑為朱世居沛

國相縣後徙句容號其里為朱家巷宋季皇大父

熙祖始渡淮家泗州卒因葬焉父仁祖諱世珍與

陳太后徙鍾離之東鄉 太后生四子 上其季也

元時太史占聖人生江淮間 上實應之當 皇妣

娠夢神人自西北來饋白丸藥曰此大丹也置掌中

有光漸長吞之覺猶有香氣明日 上生紅光燭天

見者駭異兢傳朱氏火發迹之無有時元天曆元年

戊辰九月十八日丁丑昧時也 排支干為戊辰 壬戌丁丑丁未 在

泗州盱眙縣旁有二郎廟生之夕廟徙百步浴于西河忽有紅羅浮至取以為襪鄉人名其地為紅羅障

自是河水俱香分為二色一紅一白產草狀如絲縷

色如茅蒐非常所有五色雲時蓋其上故名山曰明光澗與寺曰香華鄉曰靈蹟而所謂孕龍

基者方丈之內土亦赤色不生他草木 異香經宿不散三日腹脹幾殆 仁祖夢抱至佛寺空無人復

歸出求醫見東簷下一僧狀貌奇偉面壁坐顧曰來

以手摩 上頂曰無妨夜半疾愈矣果然已遷西鄉

又遷太平鄉之孤庄村有老僧造門曰神龍在此稍

長姿貌雄桀 日章天質鳳目龍姿 奇骨貫頂聲如洪鐘 志意廓然獨居沉

念人莫能測既就學聰明天授事親至孝奉侍左右

不違元至正甲申年十七矣歲大疫 四月 仁祖

太后及仲兄相次沒鄉人劉繼祖與地始獲窆 後追贈 繼祖義

惠侯妻婁氏侯夫人子孫世奉祀 寄蹟皇覺寺多靈異會大饑寺衆

盡散 上遂西遊至合肥遇兩紫衣人與俱 上忽

病寒熱兩人調護甚至病少差忽不見又行至六安

遇老儒荷檐甚困 上代之負亦不讓俄息槐樹下

推 上命默然曰大貴不可言慎之此行利西北不

宐東南歷告以未然事甚悉 歷遊光固汝穎諸州

別去問邑里姓氏皆不答 凡三年復還寺中神應彌赫

陷麻湖中遇羣童 言迎駕叱之不見

辛卯 元至正 五月汝穎斬黃兵大起 劉福通奉韓

林兒起穎州 八月徐壽輝據蘄水為都稱皇帝國

號天完改元治平餘李芝蔴等甚眾先戊子八年方

國珍起 壬辰 先至正 上起兵濠州 先二月郭子興據濠

州寺為亂兵所焚 上出避 上時見雲龍之祥識有

圖 遍索 禱于神卜迹卜守皆不吉卜從子興吉未信

其急 史十玟躍起自豎異之猶固守旬日訛言日至元將

徹里不花來攻濠憚不敢進日掠良民邀賞 上不

獲已閏三月甲戌朔抵濠門者欲加害子興見之得

免甚見親重凡攻戰即命往往輒勝 九月以所字

故人馬公女妻之則 孝慈皇后也軍中呼 上曰

朱公子俄子興為孫德崖所執幽窖中 上親救出

之元將賈魯月哥察兒等圍濠州 城中諸將互相猜

先後所殺傷甚眾明年 五月賈魯死圍解其年

二月徐壽輝將陳友諒破江州元總管李黼死之

三月元台州路達魯花赤泰不花與方國珍戰澄江

死之 五月元徙瀛國公子趙完普等于沙州尋被

殺 七月徐壽輝遣兵破杭州董搏霄復之進復徽

州元長汀人羅良起義兵元丞相脫脫屠徐州趙君

用彭早住奔于濠 九月元余闕守安慶 十一月

帖木兒李思
齊起義兵

癸巳

元至正
十三年

五月花雲破懷遠全椒二縣復襲走

群盜于繆家寨 六月 上還里募得七百餘人歸

之主將獨與徐達等二十四人南略定遠遘疾復還

少間聞驢牌寨乏食欲來降單將費聚等十一人入

其營以計執主帥驅所部壯士三千人還夜襲元將

老張于橫澗山走之得精兵二萬約以紀律遂克泗

州遇李善長留掌書記與攻滁州克而守之子興為

趙君用所制勢孤將見殺 上遣人說君用子興乃

得出將萬人至滁州無何子興疑忌悉奪 上左右

元兵圍滁 上奮前挫之子興愧悔而讒間愈入賴

孝慈皇后委曲于內漸解

是年 五月張士誠起泰州
據高郵殺知府李齊自稱誠

王國號周改元天祐 六月元命福壽討士誠授方
國珍兄弟治中不受 十二月徐壽輝敗于蘄水

甲午 元至正
十四年 滁大旱禱于栢子潭彎弓發三矢期以

三日如期雨注歲大熟 十月元右丞相脫脫攻張

士誠于高郵分兵圍六合甚急來求救 上率兵往

守城東瓦梁壘元兵急攻以計給敵引其眾列隊而

出還滁元兵大至好言解之乃引去禱于天期三月

歸附多寡為驗未幾眾大集歲盡孟嫂攜子及仲嫂

來歸 子名文正靖江王
之祖孟嫂尋卒 姊子保保從其父李貞來見

賜名 又得李氏子 賜名 文忠 文英 皇后皆子之 其年 十一月元脫脫被

劫削籍安置張士誠出兵拒戰勢復振江盜朱英奔士誠引兵渡江元主造內苑龍船天魔舞

乙未 元至正十五年韓林兒國號宋稱龍鳳元年 正月 上有疾少間

子興召問所向定計襲和陽先遣誘兵大敗後軍急擊破入之 上自往鎮計城守元復來攻大敗之斃城總諸將坐其上悉搜還軍中婦女元兵十萬 上以萬人拒守連戰三月屢勝其分屯者甚眾皆潰走孫德崖來就食內之子興聞怒自至德崖聞不自安求去俄兩軍鬪 上先在城外被執幾殆有張姓者力護僅得免子興方械德崖與飲聞之兩解以歸子

興尋卒還葬滁州 四月常遇春來投 明玉珍取重慶

先二月韓林兒入亳稱帝招和陽諸將張天祐赴之

齋檄至推子興之子為都元帥天祐右副元帥 上

左副元帥 上不受止用其年號不顯絕也巢湖水

軍俞通海等擁千艘來降 上親往撫之乘水漲而

出壬寅敗蠻子海牙軍遂定渡江之計 劉福通殺杜遵道自

相 稱丞 六月二日丙辰乘風向牛渚即抵磯下登岸

采石兵驚潰急趨太平拔之元總管靳義赴水死

上曰義士也歛而葬之儒士李習陶安率父老出迎

張榜戒戢軍士一卒違令即斬以徇改太平路為府

以李習知府事真太平興國翼元帥府 諸將奉

上為大元帥以李善長為府都事陶安參幕府事衣

服旌旆皆尚赤 辛酉元兵截采石江陳野先自方

山寨來攻生擒之赦不誅其黨皆降 馬后及將士

家屬皆渡江 甲子徐達克溧水州 七月九日壬

辰攻集慶路未克 八月縱陳野先還 楊完者兵始渡江

廣德 克溧陽蕪湖野先詐請據險持久困集慶 上

報書鈞得其情佯許之遂請 上幸其營不往 九

月五日丁亥 皇長子生 時上住富民陳廸家 戊戌再攻

集慶陳野先叛郭元帥張天祐皆戰死 郭元帥子興之子也

巴酉野先為青衣兵民所殺眾推其從子兆先領眾

十二月壬子朔釋所獲元臣納哈出歸 木華黎裔孫獲于太平者

是月劉福通為元師所圍自亳走安豐 元中丞蠻子海牙復阨江口

上命治石礮載以巨舟守要害待之

丙申 元至正十六年 宋龍鳳二年 正月壬午朔 倪文俊迎徐壽輝都漢陽

二月丙子大破海牙兵 張士德破平江改為隆平府

三月 上克集慶路改為應天府前辛巳朔進兵癸未

至江寧破擒陳兆先庚寅至集慶城下元御史大夫

福壽出戰擊破之克其城壽力戰死諸將皆降得軍

民五十餘萬 上入城諭以安民除暴之意因改府

名寘天興翼統軍大元帥府以廖永忠為統軍元帥
得儒士夏煜孫炎楊憲等十餘人用之并寘上元江
寧二縣遂定都焉 葬元御史大夫福壽 將取鎮

江慮諸將不戢士為害數前故縱罪欲法之李善長
為請乃免命徐達等將兵進戒無擄掠無殺戮 丁

酉克鎮江改為江淮府立淮興翼元帥府以徐達湯
和為統軍元帥寘秦淮翼元帥府俞通海統之 遣

兄子文正迎耆儒秦從龍親迓龍江 召見陳遇從龍

徵漳浦處士陳汝輝不至從龍遇所薦張士誠至

四月辛卯朔張士誠將趙打虎陷湖州 乙丑克金壇 五

月庚辰朔當塗縣獻瑞麥 六月乙卯克廣德路改

為廣興府寘翼元帥府邵愈邵成統之元立行臺于紹興

辛未寘行樞密院于太平花雲為院判 壬申降人

陳保二誘執詹李二將降于張士誠保二常州奔牛壩人聚眾以黃

帕首號黃包頭軍既下鎮江來降復叛 乙未遣儒士楊憲齋書通好

張士誠留憲不答 七月巳卯朔諸將奉 上為吳

國公以元御史臺為府寘江南行中書省 上兼總

省事設官屬 寘江南行樞密院湯和同僉院事

寘帳前都指揮使司左右前後中翼元帥府五部都

先鋒省都鎮撫司理問所提刑按察司兵馬指揮司

營田司 辛巳張士誠窺鎮江徐達敗之龍潭進攻
常州益兵三萬擒其弟九六士德行名以通書誅之并擒張湯

二將軍 八月巳酉朔以諸將虐取保二貲致叛且

攻城未下切責徐達以下皆降一官 九月戊寅朔

上如江淮府

十二月改爲鎮江府

先謁孔子遣儒士告諭鄉民

寘金山水寨遏南北寇兵 上還 十月丁未朔以

常遇春爲統軍元帥 士誠奉書求修好歲獻銀米

上答書諭以赤心相處勿得浮言誇詞士誠又不答

十一月張士誠誘我叛兵入常州益兵圍之破其援

師

張士誠陷淮安元將褚不花死之

丁亥 皇第二子生 十

二月謝國璽寇廣興府鄧愈擊敗之

丁酉

元至正十七年宋龍鳳三年

二月三日戊申耿炳文取長

興 三月乙亥朔改長興爲長安州耿炳文劉成等

守之

壬午克常州改爲常春府

尋復舊名

湯和爲元帥

守之高復權知府事 克馬馱沙 四月乙巳朔

上親督師克寧國屬縣皆降 五月乙亥朔張士誠遣

左丞潘原明寇長興敗走 巳卯克泰興 丙申常

遇春攻青陽破趙普勝

又姓李即雙刀趙

克其城 俞通海

等戰呂珍于洞庭山却之 六月巳未克江陰吳良

守之 七月丁丑徐達克常熟鄧愈胡大海取績溪

進拔徽州改為興安府元帥鄧愈守之元將楊完者來戰城下敗走八月張士誠降于元以為太尉九月婺源州元

帥汪同來降陳友諒殺倪文俊費子賢取武康十月

二日壬申常遇春克池州甲申上閱兵大通江

命繆大亨取揚州元帥張明鑑以長槍軍降乙未歲明鑑聚

衆淮西以青布為號名青軍又呼為一片瓦其黨張監號勇善用槍又號長槍軍黨衆暴悍由含山轉掠

至揚州人皆苦之時元鎮南王李羅普花鎮揚州招降明鑑等以為濠泗義兵元帥駐揚州分屯守禦丙

申三月明鑑等逼鎮南王反不從逐之為趙均用所殺據城克暴益甚日屠城中居民為食至是大亨兵

至不能支遂降得其衆數萬改為淮海府寘淮海翼元帥府張德

林耿再成等守之李德成知府事城中居民止十八家裁城西南隅守

之青軍元帥單安仁亦來歸十二月釋輕重罪囚明玉珍據重慶

戊戌元至正十八年宋龍鳳四年正月十一日庚戌張士誠石

牌守將欒瑞兵敗來降桑世傑戰死陳友諒破安慶元余闕死

之乙卯取婺源州二月己巳朔命吳禎副其兄

良守江陰 陞常遇春等官 康茂才為營田使兼

帳前副都指揮諭專掌水利屯田三月己亥朔命按察司

僉事錄郡縣囚減汰有差 丙辰克建德路改為府

立元帥府朱文忠守之楊完者來攻敗去 四月己

巳朔陳友諒陷池州院判趙忠被執 庚午楊完者

再攻徽州胡大海擊敗之轉攻建德又敗之甲申陳友

諒據龍興路劉福通入汴梁都之 六月六日朱文忠取江浦縣撫

安義門鄭氏 七月丁酉朔廖永安敗張兵于通州

丙辰總管俞通海襲九華山寨克之 八月楊完

者被殺餘黨在桐廬者三萬人求降命朱文忠往撫

之 十月辛未胡大海取蘭谿縣進攻婺州 甲戌

徐達克宜與楊國興守之廖永安入太湖為張士誠

所執 復取建德縣 先為友諒所陷 十一月七日辛丑立

管領民兵萬戶府 壬子 皇第三子生 甲子

上以婺州又不下自將往征之 十二月乙丑朔命

藉戶口 庚辰 上自宣至徽徵耆儒訪良事 壬

午至婺圍之元石抹宐孫守處州以車兵來戰破之

城遂降 甲申 上入婺禁戢剽掠 丙戌置中書

分省于婺州 改為寧越府王宗顯知府事 立元帥府以袁貴守之

諭方國珍 下令禁酒 辟儒士范祖幹葉儀 祖幹

持大學以進 上問治道禮重之二人以老 未歸許之旌祖幹孝行題其里曰純孝坊 建觀

星樓于分省之東 選寧越七縣富民子弟克宿衛

名曰御中軍

巳亥 元至正十九年 宋龍鳳五年 正月甲午朔遣諸將徇浙東

未下州縣仍戒諭無妄殺縉雲書生曹進德上書納

之 戊戌平章邵榮破張兵于於杭 巳亥方國珍



獻金幣復書報之 胡大海攻克諸暨 萬戶沈勝以城降我師入

城衆洶洶復亂擊敗之擒四千人乃定 改爲諸全州立樞密分院守以

元帥張彪王玉汪廣洋總軍儲 儒士王冕許瑗入

見留之 冕尋卒 始設儒學于寧越府以葉儀宋濂吳沉

等爲教官 二月甲子朔張士誠寇江陰吳良等擊

敗之 邵榮圍湖州不利引還破其追兵 三月二

日甲午宥獄囚 毛貴爲趙君用所殺 張士誠屢寇建德朱

文忠皆擊敗之 方國珍來降 請以次子關爲質上以交質袁世事賜

而遣 趙普勝寇太平縣等處敗去 四月癸亥朔

徐達復池州 戊寅立樞密分院于寧越府常遇春

守之 庚辰陳保二就擒伏誅 五月賜寧越節婦

松氏米五石 蔡罕帖木兒大發軍圍汴梁破之 召胡大海協守

寧越 諭以攻守進取之宜 六月元將周宗道等皆來降 張

士誠寇諸全胡大海救却之 巳巳 上至應天

八月取無爲州 九月徐達等克潛山 詹元帥守之 陳

友諒殺其將趙普勝 丁未常遇春克衢州改爲龍

游府 耿君用守之 十月俞廷玉卒安慶軍中 授方國

珍官 十一月胡大海攻處州胡深來降遂克之改

爲安南府 朱文剛守之諸將屢破張兵于分水縣 常遇春攻杭州 尋召

還 徐壽輝往江州陳友諒 執而幽之自稱漢王

庚子 元至正二十年 宋龍鳳六年 正月己丑朔改寧越為金華

府 二月庚申元福建守臣袁天祿來納款 三月

戊子朔改淮海翼元帥府為江南分樞密院 徵劉

基章溢葉瑛宋濂入京

四月十七日癸酉 皇第四子生是為 太宗文皇帝

五月陳友諒寇池州徐達擊敗之 張士誠海運米十一萬石

至元都明年增為十三萬石 常遇春擅殺降卒 上不悅悉釋

餘者 閏五月丙辰朔陳友諒攻陷太平守將花雲

朱文遜院判王鼎知府許瑗俱死之 戊午陳友諒

弑其主徐壽輝 自稱皇帝國號漢改元大義約張士誠窺應天 乙丑 上

致友諒伏兵親擊大破之 丁卯置儒學提舉司 以濂為之授

世子經 戊寅胡大海克信州 改為廣信府段伯文為知府葛俊為

元帥 罷所徵民間寨糧 六月念六日辛亥更築

太平城 壬子耿再成敗石抹宜孫于慶元縣 宜孫走遇

鄉兵戰死 上嘉其忠祭墓 祀之并令處州復其生祠 七月十一日乙丑浮

梁守將于光來降友諒復攻陷之光奔還授行樞密

院判官 九月諸全守將袁實禦張兵戰死 張兵

大敗于長興 元和解李羅擴廓兩帖木兒不聽 故天完將袁國

公歐普祥來降 十一月召吳良入京宴勞命宋濂

等為詩褒美之 黃河清三日 十二月復賜方國珍書



國珍來謝 征酒醋之稅 築龍灣虎口城

辛丑 元至正二十一年 宋龍鳳七年 正月二日甲申議鹽法真

局設官聽商販十分取一 巳亥真寶源局鑄大中

通寶錢并議茶法 二月丁丑改樞密院為大都督

府朱文正為大都督節制中外諸軍李善長兼司馬

事其先任官在外者仍舊 三月泗州守將薛顯以

城降 方國珍獻馬鞍飾以金玉却之 五月丁亥

朔城建德府 六月李道明攻信州夏德潤戰死胡

大海來援破擒之赦為鄉道 七月丁巳 皇第五

子生 以上皆 慈皇后所生 甲子以范常為太平知府 壬

申安慶守將趙伯仲等為張定邊所破奔還 上怒

誅之 甲申賞叅軍宋思顏直言 八月遣使通好

元將察罕帖木兒 鄧愈攻浮梁克之 胡大海攻

紹興不克 庚寅 上親帥舟師伐友諒戊戌至安

慶擊破之長驅至小姑山傅友德丁普郎來降 壬

寅次湖口獲其邏卒乘勝追至江州遇友諒兵大破

之友諒挈妻子奔武昌 癸卯 上入江州進克南

康 斬黃廣濟饒州建昌諸將王溥等皆降遂取撫

州 察罕平山 東圍益都 九月以陶安為黃州知府 十月

真大督府左右都督同知副使僉事照磨各一員

十一月長興被圍常遇春救解之 撫州鄧克明戰

敗來降尋逝新淦 十二月己亥陳友諒江西行省

丞相胡廷瑞自龍興輸款 請無分兵 上報以赤心 相處兵少方益何所疑慮

壬寅 元至正二十二年 宋龍鳳八年 正月四日辛亥胡廷瑞得

書來降 乙卯 上發九江如龍興次樵舍廷瑞等

謁城外俾仍舊職 壬戌入城謁孔子廟開宴滕王

閣命諸儒賦詩築臺龍沙召父老諭之改為洪都府

葉琛知府事袁瑞臨江吉安等府皆下 獲鄧克明

時以小舟來覘 二月丁丑朔改建德府為嚴州府 癸未

金華苗軍元帥蔣英叛殺叅政胡大海及其子關住

郎中王愷等走投張士誠朱文忠往守之 丁亥處

州苗軍李祐之亦作亂殺院判耿再成都事孫炎知

府王道同等邵榮等進圍之 辛卯 上經度洪都

城守事宐以鄧愈為叅政留守遂還應天 三月三

日己酉 明玉珍稱帝于重慶 國號夏改元天統 張士誠遣兵圍諸全

敗去 癸亥降將祝宗康泰叛陷洪都鄧愈走還都

事萬思誠知府葉琛死之 四月邵榮克處州叛黨

皆伏誅 王祐守之 徐達還師討洪都破之祝宗走新淦

被殺康泰就擒 以胡廷瑞甥特宥之 五月二日丙午命大都

督朱文正統軍元帥趙德勝同鄧愈鎮洪都程國儒

知府事

陳友定起義兵復汀州

戊寅元察宰帖木兒答書

留我使不遣

田豐殺察宰帖木兒走入益都甥擴廓帖木兒代將十一月破而誅之

丙辰平章邵榮叅政趙繼祖謀反伏誅

榮祖勇悍善戰與上同

起兵待之甚厚自平處州還益驕蹇常憤憤出怨言部將有欲告者榮祖不自安與趙繼祖謀俟間作亂至是上聞兵三山門外榮與繼祖伏兵門內欲為變會大風卒發吹旗觸上衣服從他道還榮等不得發遂為宋國興所告

八月癸巳友諒將熊天瑞復破吉安

十月羅友賢據池州神山寨為亂謀通張士誠

設關市批驗所官 十二月丁亥朱文

正復吉安 獲元戶部尚書張昶授以官

元擴廓帖木兒致書并獻馬還我使人

癸卯 元至正二十三年 正月壬寅朔徐司馬總制

守金華 報書擴廓帖木兒 二月壬申朔申將士

屯田之令 時康茂才屯積充物屯 移浙江行省于

嚴州 盜陷饒州 都昌盜江爵引張定邊入寇 張

士誠破安豐殺劉福通等 三月辛丑朔 上救安

豐破呂珍兵廬州左君弼來援又破之 小明王

徐達圍廬州 竹昌等復乘 閏三月辛未朔寬處

州鹽稅二十取一 四月壬戌友諒大舉圍洪都

乙丑諸全守將謝再興叛 五月友諒復陷吉安臨

江 魯萬中劉齊 及無為州 知州童魯不屈 癸酉寘

禮賢館 集諸儒講論

六月丁未忠勤樓災 洪都元帥

趙德勝巡城中弩死 壬戌方國珍貢馬 召廬州

兵還 七月六日癸酉 上自將救洪都癸未師次

湖口丙戌友諒聞 上至解圍逆我師 上帥諸軍

入鄱陽湖 丁亥遇康郎山 戊子巳丑庚寅皆力

戰移兵泊左蠡貽書不答 八月二十六日壬戌友

諒敗死其子理奔還武昌復稱帝 改洪都為南昌

府 九月丁卯朔 上發湖口壬申還京論功行賞

壬午命李善長鄧愈留守 親征武昌 叛將謝

再興以士誠兵犯東陽李文忠破之 胡深築諸全

新城呂伯昇來圍不克引去

是月張士誠自稱吳王請于元不許元徵

不與

十月七日壬寅 上至武昌圍之漢陽及湖

北諸郡皆降 卹洪都死者 十二月丙申朔 上

發武昌命諸將守柵勿與戰 丙午還京 戊午閱

武雞籠山還坐西苑諭諸將兵法

甲辰

元至正二十四年 宋龍鳳十年

正月丙寅朔諸將奉 上

即吳王位寅中書右左相國而下等官以李善長徐

達等為之 丁卯減收官店錢 二月乙未朔復往

武昌視師 辛亥 上至癸丑陳理率其下出降赦

之慰諭友諒父母賑城中饑民漢沔荆岳皆降李明

道伏誅 乙卯立湖廣行中書省以楊璟為叅政

丙辰 上發武昌 三月乙丑朔至京 丙寅封陳

理歸德侯 丁卯命金大旺守瑞州 寘起居注給

事中 皇第六子生 光妃胡氏出 定大都督府等衙門

官制 句容儒士戎簡入見論用兵 寘親軍十七

衛指揮使司 翼元帥等府俱罷 命舉人才 江西行省以

陳友諒鏤牀進毀之 四月甲午朔寘醫學提舉司

中書省臣進宗廟祭享月朔薦新禮儀 皇考妣

忌日祭享 俞通海等進通州敗張士誠兵 丙

申建忠臣祠於鄱陽湖之康郎山 祀丁普郎而下三十五人 甲

辰改各門總管府為千戶所正副千戶各一人 乙

巳建忠臣祠于南昌府 祀趙德勝而下十四人 諭諸功臣家

禁僮僕驕肆 元皇太子走古北口 追還七月復走冀寧 興湖廣鐵冶

丁未徐達圍廬州左君弼走安豐 定商稅三十

取一 壬戌江西寘貨錢局 立部伍法 降將所部五千為指

揮滿千者為千戶百人為百戶五十人為總 旗十人為小旗一切平章樞密名色俱革 五月

六月癸巳朔湖廣溪洞長官向思明等以元所授

宣勅印章來上請改給仍設宣撫司等官以其頭目

為之 七月十六丁丑克廬州 戊寅平章常遇春

鄧愈及金大旺討江西上流未附州郡 巳卯舒城

來降 設行省于廬州俞通海攝省事 八月壬辰

朔減省椽受賄死罪 以法令初行 常遇春等克新淦諸

柵執知州鄧志明送應天與其兄克明皆伏誅 左

相國徐達按行湖湘等處 遇春至吉安饒鼎臣走

安福復其城遂趨贛州熊天瑞固守不下命平章彭

時中會兵擊之郎中汪廣洋叅軍事立柵困其城

塑功臣像于卞壺及蔣子文廟以時致祭各忠臣廟

亦如之未褒贈者定擬以聞 立劉成廟于長興州

徐達進次沙市友諒平章姜旺以江陵降改爲荆

州府遂平夷陵潭州歸州 湘鄉土酋易華來降 方明善攻

平陽胡深遣兵擊敗之 十月遙授廖永安平章封

楚國公賜號 乙卯以省都鎮撫隸大都督府 巳

未張士信侵長興耿炳文破之士信復益兵以圍

革各親軍等府斷事知事官 江西各寨帥丁廷玉

等皆來降 十一月庚申朔贈元帥俞廷玉官封

辛酉寅湖廣提刑按察司以章溢爲僉事尋陞浙東

按察副使溢辭仍爲僉事 金大旺討撫州叛寇羅

五悉平之 以慈利土官覃垕爲宣撫使 湯和救

長興敗却之 戊子 皇第七子生 定妃達氏出 十二

月庚寅朔克辰州衡州 周文貴走湖南 辛卯裁宣課司

一十六處 巳巳書與擴廓帖木兒 乙卯寘拱衛
司統領較尉

乙巳 元至正二十五年 宋龍鳳十一年 正月十日巳巳克贛州熊

天瑞降 徐達狗寶慶靖州皆下 甲戌調陶安知

饒州府 遇春進師南安招下韶州南雄 湯和討

平永新諸山寨 鄧愈還軍討饒鼎臣于安福 從判官潘

樞之言 禁擄掠 大都督朱文正有罪 驕暴被 上責按 察使李飲冰來奏

上自往徵還免官安寘桐城 親閱將士習戰 二

月巳丑朔陳友定侵處州胡深擊敗之下浦城 召

徐達還京 時湖湘一帶悉平 丙午張士誠寇諸全朱文忠

大破之 三月辛巳常遇春班師 癸未允宋濂歸

省賜金帛遣之濂表謝復致書 世子勸進修 上

喜獎諭命 世子再以書報 四月巳丑朔叅軍胡

深克松溪 命常遇春取襄漢諸郡 上論形勢乃南北必爭之地宜

取 五月克安陸襄陽府 六月思南宣慰使田仁

智歸欵命仍其官 克安福州饒鼎臣走茶陵 朱

亮祖克崇安進攻建寧胡深被執遇害 諭民栽桑

蘇木綿 儒士滕毅楊訓文為起居注 七月丁巳

朔命降將張德山歸襄陽招未附山寨 湯和進兵

圍周安于永新 甲子再與擴廓帖木兒書 思州

宣撫司田仁厚來降 沅陵縣民向珍入作亂討平之 壬午寅太史監以劉基為太史令 八月丁亥

周文貴復寇辰州擊破之 麻城里長袁寶擒羅田

賊藍丑兒 上以民能仗義特賞之仍定賞格 九月丙辰朔置國子

學 以故集慶路學為之 明玉珍遣江儼來通好命都事孫養

浩往報書 時玉珍遣兵征蠻暴掠不能制再 十月戊

戌下令討張士誠 辛丑左相國徐達平章常遇春

先取通泰諸郡 饒州太守陶安擊信州盜蕭明破

之 時來圍城 閏十月乙卯朔張士誠舟師出大江再諭

徐達備寇勿分兵 己未 上至江陰康茂才水寨

凡二日即還 戊辰湯和克永新執周安等送京師

斬之取餘于州 庚辰克泰州 所俘將士給衣糧完其妻子加賜戊潭辰

州 二 信州盜蕭明寇婺源州知州白源懷印赴水死

源蒞政廉忠自奉甚薄遇除夕無它供具蔬食而已家人自歎寥落處之泰然人以此稱之 甲

午饒鼎臣敗死餘黨皆散 命右相國李善長書諭

濠州李濟不答 徐達圍高郵諭還泰州 秦從龍

卒 士誠寇空輿徐達渡江擊破之又寇安吉為守

將費子賢所敗 張兵入萬子賢僅三千

丙午 元至正二十六年宋龍鳳十二年宋亡已二年矣 正月癸未朔張士

誠窺江陰 上親率兵至鎮江寇遁去康茂才追敗

之 命僉事周湏定按察司事宜條憲綱以進 錄

用諸司劾退官 二月癸丑朔叅政張彬率指揮胡

海洋等討周文貴破走之 丁卯容美宣撫司田光

寶來降以彭世雄等為各軍民安撫使 處州山賊

夏清四連福建兵寇慶元僉事章溢召所部義兵討

敗之 巳巳寅兩淮都轉運鹽司凡二十九塲 茶

陵諸寨悉平 禁種糯 明玉珍卒子昇立 三月

癸未朔下中書省嚴選舉之禁 得賢者賞濫舉及蔽賢者罰知府知縣犯

前禁者俟來朝治罪 未應朝者歲終遠治 徐達破高郵 所俘將士遣戍

如秦州仍令軍 中搜還婦女 四月壬子朔明昇遣使來聘 乙

卯 上以玉輅太侈定用木輅 即殷輅朴素 渾堅之意 徐達

兵至淮安襲徐義軍于馬騾港走之淮安降 丁巳

沂州王宣襲海州據之 徐達回兵取興化 李文

忠往徐達軍議淮安城守事宜 巳未諭劉基王禕

定常賦國計 庚辰李濟以濠州降 諭宿州吏民

故鄉無自絕其將陸聚以徐宿二州降 元將竹真

入安豐徐達邀敗之 陸聚攻沛縣并降邳蕭宿遷

睢寧 甲子 上發京師丁卯至濠州省陵 製粗布 冠白纓

衫經比總加重以改莖洩靈氣增土培封召舊人汪文劉英慰撫之令招致二十家守陵仍復其家

方國珍來貢 宴父老慰贖之 諭以教子弟為善 立身孝弟勤儉養

生毋自怠忽仍諭博士許存仁等起兵始末禁戢救民成功之本

辛未徐達取安

豐獲忻都并裨將費元帥竹昌左君弼走汴梁引兵

來戰大破之達遂援徐州破王保保兵即擴廓帖木兒五

月壬午朔上還自濠州諭中書省招撫流亡訪

求遺書六月壬子朔改醫學提舉司為太醫監

七月辛巳朔書諭王保保甲辰以蘇伯衡為國子

學錄廖永安卒于蘇州八月庚戌朔拓建康城

作新宮于鍾山之陽舊城西北控大江東盡白下門外距鍾山既濶遠而舊內在城中因元南臺為宮稍庫隘至是十地定作新宮于鍾山之陽在舊城東白下門之外二里許增築新城東北盡鍾山之趾延亘周迴凡五十餘里伐張士誠祭告大江辛亥

徐達為大將軍常遇春為副將軍帥師二十萬東征

戒諭之癸丑大軍發龍江熊天瑞奔于張士誠

辛酉自常州浮太湖諸將數戰皆捷遂圍湖州九

月乙未勅朱文忠會兵明昇來聘上以使者誇誕命廷臣奉使謹于言語勿為大言貽笑湘鄉賊易華叛討斬之周文貴復

掠辰州諸將楊璟等分兵進討丙午叅政蔡哲報

聘于蜀十月戊寅諸將攻張士誠兵于舊館降之

十一月二日庚辰舊館捷書至父老入賀戒以安生力業甲

申猷降湖州進兵南潯吳江州朱文忠攻下餘杭

杭州守將潘原明以滅降命仍舊職李思忠以紹興降

都尉王克恭守之 宋興以嘉興降 壬寅海寧州
 降 修公子書及務農技藝書 癸卯大將軍徐達
 等至姑蘇圍之 甲辰送元平章丑的長壽還獲于杭者
 十二月乙卯永寧鄞縣賊饒一等悉平 巳未罷浙
 東行省開省杭州陞右丞朱文忠為平章守之復姓
 李氏 改諸全州為諸暨縣舊稱路者皆為府 陳
 友定建寧將阮德柔來納款 以明年為吳元年前
明王韓林兒尚在建康用其龍鳳年號 稱皇帝聖旨吳王令旨至是殂乃改元 定宮室先
 建廟社 甲子親祀山川祝告立郊廟建宮室即于
 是日啟工所司進圖命悉去雕琢奇麗者

丁未吳元年

元至正二十七年

正月戊寅朔湖廣進兵沅

州克之

令事涉恠誕者勿以聞

免應天太平鎮

江寧國廣德五處田租

上以開創供億所先 特免後數下詔免

令箋

文只平實勿飾虛詞

二月丁未朔都城訖工 王

保保遣左丞李二侵徐州傅友德敗擒之 茗洋降

賊周遂卿復叛僉事章溢討斬之 置兩浙都轉運

鹽司于杭州設三十六場 松江嘉定來降 乙丑

書諭陳州左君弼歸其母

君弼尋來降

三月丁丑朔湖

廣慈利思沅等處宣撫安撫等司皆內附 甲戌大

將軍徐達自軍中請事勅勞之令從便宜以行 丁

酉下令設文武科取士法

諭令以時勉學俟開科舉歲克貢京師其科目等第

各有出身

以蔣節為安撫使守會同縣討靖州山寨

四月丙午朔上海民錢鶴臯作亂討平之餘黨施仁

濟劫嘉興悉被擒 辛亥祭 仁皇帝忌辰 胎王

保保等紗羅葛布等物 壬子諭起居注詹同等國

史貴直筆凡平日言行明白直書勿得隱諱 乙卯

平章俞通海卒

戰姑蘇傷重

己未數方國珍十二罪

丁卯祭 仁皇后忌辰

自是歲以為常

李文忠調兵戍沿

海州縣 改江陰州為縣 選江西精兵二千人宿

衛 句容縣獻瑞麥 五月書諭張士誠不報 己

亥初真翰林院學士正三品以陶安為學士 免徐

宿濠泗襄陽安陸稅糧二年 六月丙午朔日食晝

晦 諸將屢敗士誠兵于城下 甲寅革叅議府

久旱大雨免民田租

先減膳素食

定朝賀不用女樂

叅知政事張昶謀叛誅 秋七月選樂舞生設雅樂

召學士朱升及范權領之 上親擊石磬試定 丙

子除郡縣官凡三百三十四人定賜予并及父母妻

子仍給道里費遺之遍賜佐貳幕官有差并加 勅

諭 己丑雷震宮門獸吻得物斧形而石質 上命

出則使人負于 駕前臨朝奉置几案祇天戒遂赦

中外罪囚 方國珍約降未至 上怒徵糧二十三

萬石仍以書詰責 辛丑置太常大理司農將作四

司正三品 八月四日戊申有吏受賊事發赴井死

上遍行戒諭 戒以愛利 不如愛身 癸酉園丘方澤及社稷壇成

甲寅冷謙協樂章聲譜及編鐘編磬等器 丙寅

上祀山川祭畢出齋次頒胙群臣諭世子等戒盈滿謹

怠荒 書諭沂州王宣父子 告以來年取河 南先伐沂州 徵江

西儒士顏六奇等 以老疾賜 帛遣還 朱亮祖討方國珍

是月元詔太子總天下兵 馬奪擴廓帖木兒兵權 九月甲戌朔 太廟成

四祖各為廟 德祖居中 三祖東西次列皆南向

諭中書省除大逆不道俱免連坐 辛巳大將軍徐

達克姑蘇執張士誠熊天瑞伏誅 胡廷瑞進兵無

錫州 張興率勇士千人并濠州山寨諸軍俱集淮

安 乙酉改平江路為蘇州府 何質知 府事 徐達分兵

取通州張右丞 即張 火眼 帥所部降 丁亥真內史監秩

正四品 召諸將大會京師 莫天祐以無錫降

戊子 上御戟門閱試將士定令不得私乘戰馬及

載他物 張士誠送至京師 自縊死賜 棺葬之 辛卯置宣

徽院設院使正三品 改太醫監為院 丁酉朱亮

祖攻台州敗方國瑛 戊戌 上遣使以書送元宗

室神保大王及黑漢等九人于元主

破姑蘇所獲

又以

書遺王保保賜之文綺 王宣來請罪 辛丑命于

泗州靈壁取石置磬湖州采梓桐置琴瑟 平吳師

還論功封李善長宣國公徐達信國公常遇春鄂國

公餘將士有差 朱亮祖克台州 癸卯新內成

正殿曰奉天殿前為奉天門殿之後曰華蓋殿華蓋

之後曰謹身殿皆翼以廊廡奉天殿之左曰文樓右

曰武樓殿之後為宮前曰乾清後曰坤寧六宮

以次序列周以皇城城之門南曰午門東曰東華西

曰西華北曰玄武制皆朴素不為雕飾 上命博士

熊鼎編類古人行事可為鑒戒者書于壁又書大學

衍義于兩廡壁間

有請琢瑞州文石甃地者斥之

戰士傷殘者造

廬舍環新宮城外

晝治生夜則巡儆

十月甲辰朔遣起居

注吳琳魏觀等以幣帛求遺賢 徙蘇州富民實濠

梁 丙午百官禮儀俱尚左兩相國互改 定國子

學官制許存仁為祭酒劉承直為司業改太史監為

院仍以劉基為院使 朱亮祖至黃巖方國珍遁去

給蘇州戰士照前印帖米如格 祀前死節安慶

右丞余闕江州總管李黼 壬子置御史臺及各道

按察司湯和鄧愈為左右御史大夫正一品劉基章

溢爲御史中丞正二品基仍兼太史院使 放廣德
 義兵 湯和爲征南將軍追方國珍 下中書省定
 律令 書諭元將李思齊張思道 戊午考正 太
 廟雅樂 癸亥定樂舞之制 甲子命右相國徐達
 爲征虜大將軍平章軍國重事常遇春爲征虜副將
 軍帥甲士二十五萬由淮入河北取中原 平章胡
 廷瑞爲征南將軍行省左丞何文輝副之由江西取
 福建 平章楊璟等取廣西 召諸將諭以軍法機
 宜親祭上下神祇于北門之七里山各引兵發京師
 乙丑遣 世子次子徃臨濠展陵 丙寅檄諭齊

魯河洛燕薊秦晉之人 丁卯大將軍諭王宣父子
 勅廬州以西諸將備王保保 湖廣行省取寶慶
 新化等府縣 朱亮祖克温州 辛未王宣納款賀
 平張士誠 十一月癸酉朔朱亮祖敗方明善于樂
 清追至海口招諭之 明昇來聘 丙子大將軍次
 下邳前鋒由徐州進取山東 湯和自紹興上虞餘
 姚進兵慶元悉降之方國珍浮海 壬午王宣叛大
 將軍進兵討斬之 乙酉定大都督府及各衛官制
康茂才都督同知郭子興陳德都督僉事 學士朱升年老免朝謁 甲
 子 上視園丘 世子從行 廖永忠自海道會湯

和討方國珍 上祭海上諸神國瑛及諸將皆降國

珍亦降 乙未冬至文武朝賀 太史院進戊申大

統曆 先定儀注改用十月朔著為 命疏滯獄 大

將軍自滕州進克益都 胡廷瑞度杉關略光澤縣

下之 十二月癸卯朔日食 甲辰律令成頒行之

凡為令一百四十五條吏令二十戶令二十四禮令

十七兵令十一刑令七十二工令二律準唐之舊而

增損之計二百八十五條吏律十八戶律六十三禮

律十四兵律三十四刑律一百五十工律十命有司

刑布 丁未諭大將軍副將軍送渠帥官吏儒士詣

京師撫民課農使無失所 孔子五十六代孫衍聖

公孔希學率曲阜尹孔希章鄒縣主簿孟思諒迎軍

門降 冥尚寶司內職六尚局 上寢夢神人以玉

加頸遂成隆骨 大將軍以次平定山東 胡廷瑞

至邵武降之 癸丑左相國宣國公李善長率群臣

奉表勸即帝位 報以天下大定議之屢請 改慶元

路為明州府 膠州來降 頒律令直解 湯和廖

永忠自明州海道取福建 李善長進即位禮儀

甲子 上御新宮以即位祭告 上帝自為祝文云

可不可至日明使臣知之 巳丑禮部以冊立 皇

后 皇太子禮儀進于即位日同舉 上曰禮文太煩

不暇其賀 中宮 丙寅命 世子及諸子名祝告

東宮宜節省之

太廟仍以諸子漸長宜習勤勞命內侍製麻履行勝

善長進儀衛仗內旃有天下太平大將軍自濟南

還益都取登萊諸州縣榜諭山東來降及未盡官

民戊辰定開讀詔赦儀赦蒲臺民供芻粟違令

者當斬其子乞代大將軍送至湯和進克福州

山東悉平命官撫輯置浙江市船提舉司定各

縣為上中下三等減金華田租初用兵所增李文忠請減從之

補遺

丙申七月置帳前總制親兵都指揮使以馮國用為

之置左右等翼元帥府以華雲龍唐勝宗陸仲亨鄧

愈陳先張彪王王陳本等為之置五部都先鋒以陶

文興陳德等為之置省都鎮撫司以孫養浩為之置

理問所以劉禎秦裕為之置提刑按察使司以王習

古王德芳為之置兵馬指揮司以達必大為之

戊戌十二月親征宣徽問耆儒用兵所急前學正朱

升對曰高築牆多積糧緩稱王一日隱士陳碧峰之言

壬寅正月胡廷瑞來降上如龍興拜其母寧州

土豪陳龍以眾降初徐壽輝兵破寧州龍集眾結堡

于州之泰玄鄉號人和寨旬日間州境響應眾至萬

餘至是聞上至隆興遣弟良平率分宜等六縣民
兵二萬來降王禕撰平江西頌
癸卯四月諸全守將謝再興叛初再興用部將左總
管縻萬戶右總管王萬戶爲心腹二人常使人販鬻
杭州上知其陰泄機務擒二人誅之召再興赴建
康而以叅軍李夢庚總制諸全軍馬上以再興長
女娶兄子文正幼女適徐達之子恩意甚厚仍命還
守諸全再興以夢庚處已上忿忿不樂由是遂殺知
州樂鳳其妻王氏以身蔽鳳亦見殺執夢庚奔張士
誠李文忠遣胡德濟屯五指山備之詔陞德濟叅

政管事萬戶王克瑤偵敵亦被殺再興後與其弟謝
五守餘杭又明年朱文忠率指揮朱亮祖耿天璧攻
桐廬降其將戴元帥復遣袁洪孫虎略富陽擒其同
僉李天祿遂合兵圍餘杭遣人語謝五曰爾兄以小
隙歸于張氏非爾謀也爾乃我之戚臣若降可保不
死仍享富貴乃與弟姪五人出降後皆磔于市
吳元年正月上曰吾昔在軍中嘗空腹出戰歸得
一食卽粗糲甚甘今飲膳豐美未嘗忘之太平應天
宣城諸郡吾渡江開創地供億先勞其免太平府租
稅六年應天宣城諸郡一年

八月祀山川畢將還宮顧世子曰國家初定民始息肩汝知人勞乎夫人貴則驕逸則忘勞若夫貴而不驕逸而知勞心體衆情能爲君者也今將士中夜扈從至此皆未朝食汝可步歸

九月張士誠執送京師周伯琦伏于後上問爲誰對曰前元叅政周某上曰元君寄汝心膂乃資賊以亂耶伯琦惶恐不能答先賜三日大醉以酌其功後殺之一日放歸田里久之卒前說出剪勝紀聞謂與李伯昇先戮非也

皇明大政記卷之一終

皇明大政記卷之二

臣朱國禎謹輯

洪武元年戊申正月四日乙亥上祀南郊卽皇帝位定有天下之號曰大明建元洪武先期設昊天上帝皇地祇壇位于第一成分東西南向大明夜明于第二成星辰社稷太歲嶽鎮海瀆山川城隍于壇內之東西正月壬申朔免朝賀命禮官書四代考妣神王甲戌飭戒百官執事人元萊陽守將世家寶納款乙亥上服袞冕登壇各行奠拜禮讀祝自壬戌以來雨雪晦冥元日雪霽三日省牲陰

雲悉歛日光皎然暨行禮風和氣肅香霧上凝下霽
 獨燦中星萬眾歡悅禮成群臣奉 上即位于郊壇
 南呼萬歲者三 駕入城 上率世子暨諸子奉神
 主詣太廟追尊四代奉上玉寶玉冊 皇高祖考曰
 玄皇帝廟號德祖 高祖妣曰玄皇后 皇曾祖考
 曰恒皇帝廟號懿祖 曾祖妣曰恒皇后 皇祖考
 曰裕皇帝廟號熙祖 祖妣王氏曰裕皇后 皇考
 曰淳皇帝廟號仁祖 皇妣陳氏曰淳皇后 仁祖微
 時一日
黎明坐東檐下 上侍側有道士長髯朱衣象簡直
 入揖 仁祖曰好個公公八十三當人貴留之不顧
 而去既出門不見 至是果符其數 每廟牲幣祭告 世子先至社

櫻壇立石主 上至行禮如宗廟儀畢還 御奉天
 殿左相國李善長率文武上賀表畢命左相國奉冊
 立 妃馬氏為皇后 世子標為皇太子以李善長
 徐達為左右丞相餘進爵秩有差 丙子詔告天下
 定誥首曰奉天承運 先曰上天眷命 追封 皇伯考為壽
 春王 皇兄南昌王 盱眙王 臨淮王從兄而下
 十一王配皆夫人 製太廟祭器 楊璟進兵永州
 丁丑御奉天殿大宴群臣三品以上皆陞殿餘列
 丹墀 戊寅自舊內遷新宮 方國珍入見賜第居
 京師 庚辰得美王製傳國之寶 并製圭一 辛巳詔李

善長徐達常遇春兼太子三少餘兼詹事等官 壬

午 上訪得 皇后親族欲授以官 后辭乃止厚

賜金帛 甲申遣周鑄等一百六十四人覈實浙西

田畝 巳丑頒大明令于天下 壬辰征南將軍胡

廷美克建寧 廷美即廷瑞 避御字改 巳亥諭祭登萊海神

庚子命鄧愈為征戍將軍取南陽以北州郡 翰林

學士陶安知制誥兼修國史 立大都府斷事官

立善世院以僧慧曇領釋教事 立玄教院以道士

經善悅領道教事 置各處水馬驛站遞運所急遞

舖 湯和師至延平降其城執陳友定送京并其子

誅之 天下來朝官陛辭 上戒諭之遂為令 二

月壬寅朔李善長陶安進郊社宗廟議從之 湯和

傳檄至漳州 元達魯花赤迭里迷 實自刎死其城遂降 癸卯詔湯和還

明州造海舟漕運北征軍餉 命廖永忠為征南將

軍朱亮祖副之由海道取廣東 汀泉等處皆降

丁未以大牢祀孔子于太學仍遣使詣曲阜致祭

戊申 上親祭大社大稷 自是歲以為常賜羣 臣享胙于奉天殿 李

文忠往福建平小寨未下者 庚戌遣右丞王溥賚

上尊至濟南賜大將軍以下并各衛將士 壬子陶

安議社稷壇不創屋遇風雨于齋宮望祭從之 定



宗廟時享及月朔薦新之禮 詔復衣冠如唐制盡

革胡服胡語 癸丑副將軍克東昌 平章申榮自經 甲寅

楊璟進兵慶遠周文貴遁去遂下其城 乙卯製紅

紫青黃四色戰衣 上退朝御東閣顧朱升等論周

禮六夢 夜大星赤色有光自中台西北行至雲中

沒 征南將軍廖永忠書諭何真 丁巳康茂才往

濟寧濟師北伐丞相李善長祭告江淮河漢 詰責

臺臣 久不進諫也 陸仲亨會征兩廣 製鴛鴦戰襖 表裏

異色以新軍號 樂安俞勝復叛大將軍討平之 勝遁去後獲于北平

中書省議役法 田一頃出丁夫一人不及頃者以別田補之名曰均工 上

諭暫借民力不急浮泛之役悉罷之 定祭天地宗

廟服袞冕社稷等祭皆通天冠絳紗袍 以五冕禮大煩也

庚午追封姊孝親公主其夫李貞駙馬都尉思親侯

選國子生周琦等十人侍 太子讀書禁中 新

除府州縣官各賜白金十兩布六疋 三月辛未朔

命儒臣修女戒 宮闈當嚴述古賢妃事為法 增修國學齋舍

戶部及行省鑄洪武通寶錢 製凡五等自一錢至五錢 楊璟克

全州常寧武岡以次降 遣官祭 仁祖陵及魯山

淮川之神 大牢祀 三皇 元左丞何真籍所部

郡縣迎降賜詔褒獎 壬午廖永忠自福州趨廣東

近臣請開山東銀場不聽 大將軍送衍聖公孔

希學于京遂由濟寧趨汴梁 榜諭山東訪取賢才及嘗任宦

居閑者舉赴京師眾頗疑畏上聞 辛卯彗星出

凡十九日滅 鄧愈取唐州南陽 巳亥命儒臣編

存心錄上以祭祀國家大事念慮少怠無以交神明乃命編集郊祀宗廟山川等儀及歷代帝王

祭祀感應祥異可為鑒戒者以進 大將軍至陳橋左君弼竹昌迎

降守將李克彝走河南 四月辛巳朔定桑麻科徵

之額 蘄州獻竹簟以無命却之仍頒四方非朝廷

所需勿進 大將軍自中灣進兵 賜思南宣慰司

田仁智羅綸 丁未禘享 太廟 德祖考妣居中

南向 三祖考妣東西向皇太子奉迎各廟神土就

太子行禮 諭山東民來朝者位侍立南昌王而下皇

以免租稅來謝恩賜而遣之仍止其未來者 太廟祭器舊以金塗銀者悉易以金 畫古孝行及

身所歷艱難戰伐事為圖示子孫 戊申大將軍帥

師自虎牢關進至河南塔兒灣敗其兵降之 元祭

酒孔克堅來朝衍聖公希學之父也召見慰諭賜宅及馬月給米二十石明日再召

壬子副將軍克嵩州汝州 乙卯徵河南儒士睢明

義等赴京師 廣州擒斬偽叅政邵宗禹進兵取廣

西 丙辰 上諭宦官不得典兵政 丁巳楊璟克

永州守將鄧祖勝自殺 戊午馮宗異取陝州并下諸山寨

留康茂才守之 置山東行中書省以汪廣洋為叅

政 翰林院學士陶安為江西叅政 追封叅軍胡

深為縉雲郡伯 侍儀范常為翰林直學士尋兼太

常卿 甲子 駕發京師幸汴梁 舟行有御製黃河說 馮宗

異進下潼關兵至華州李思齊張思道皆遁尋召還

北征 五月庚午朔盜入象山縣居民討平之 昌國縣蘭

秀山民得方國珍舊印因聚眾攻破象山縣縣民蔣公直王剛甫等欲擊之適知縣孔立自府計事還與

定議駐兵東禪山盜來攻先伏兵以待自迎戰誘入伏盡擒殺之遣大理卿周禎往勞各賜白金百二十

兩 郭子興守潼關 大將軍書與王保保 指揮

王臻取毛胡蘆山寨 鄧州義兵萬戶府募土人團結固以名之地在號州 上

蹕邳州 諭知府李相山東故官願入京者 丙子遣

李二忻都從大將軍北征 梧州潯貴鬱林等州皆

降 辛巳大將軍自陝州還至河南 癸未流星起

天市垣東北行沒 登封諸山寨復叛討平之 甲

申王保保遣使報大將軍餽馬 使者尚書也先叅政溫某也先送入京師

溫叅政還報 太陰犯填星 庚寅 駕至汴梁改為開

封府 辛卯副將軍入見 馮宗異同至 置中書行省于

開封叅政楊璟署省事 乙未副將軍辭往河南

丁酉以行省左丞何文輝守河南 六月庚子朔大

將軍自河南入見 定計取元都選精兵為先鋒水陸並進由鄴趨趙轉臨清而北仍諭

元主北奔不必窮追

上躬祀汴梁諸神遣官祭境內山川

江西叅政黃彬鎮袁州招集諸山寨 癸卯大將軍

辭還河陰進次陳橋 元海南海北道元師皆降

楊璟朱亮祖合攻靖江克之 流星起自紫微至雲

中沒 陳友定舊將金子隆叛陷將樂縣 乙丑賜

北征將士夏衣 以馮宗異為征虜右副將軍 命

中書稽將士軍功 置刻期百戶所傳報軍情即今之塘

報 廖永忠平南寧 命浙江江西二行省蘇州等

九府運糧三百萬石于開封 江西永新州大風雨

蛟出江水暴溢入城深入尺壤若民溺死甚眾歎之

修和州二牖移邳州知州李相于

和州修之周二百里田皆常稔貫城之河于餘步舟楫便之

李文忠討金子隆

遣祭故元將察罕帖木兒 七月己巳朔太白犯

并宿 左江土官黃英衍右江岑伯顏等族皆降

壬申 上親畫征進陣圖授大將軍諭進兵 令各

衛糧舟俱赴濟寧 丙子勅諭北方新授守令加給

賞 戊子象州降廣西悉平 辛卯 上將發開封

大將軍入辭戒以克城之日毋殺擄凡元宗威皆善待以成伐罪救民之志 康茂

才兵至河北安邑夏縣皆降 丙申 駕發開封馮

宗異留守 丁酉 皇太子攝享太廟 元彬州守

將以城降 京師火延統承濟倉 楊州旱災 大將軍

會師東昌分布士馬渡河 南海縣民關敏討賊被

殺贈官立祠 海賊馮簡等作亂敏倡義捕賊數百人獻主帥命權巡檢賊啣之聚徒復寇其

鄉敏不支為賊所屠事聞上以敏未授官而能仗義討賊歿于王事贈兵馬指揮表其鄉曰忠義祀之

儒士李訥請郵斃獨帶刀舍人周宗請立學較

上皆是之 閏七月己亥朔遣使犒北征將上 庚

子大將軍發汴梁徇取河北州縣衛輝守將棄城走

元降將喬僉院叛于濟南討平之 大將軍至彰

德降之 丁未 上至京 己酉大將軍取廣平自

邯鄲次臨清張興祖自東昌華雲龍自樂安以師來

會 徵天下賢才授守令厚賜遣之 庚戌大將軍

遣傅友德開道通步騎顧時浚開通舟師 詔定軍

禮 親征遣將馮祭 壬子副將軍克德州 以高郵

府為州 戊午大將軍師至長蘆進及直沽獲海舟

作浮橋濟師並河東西以進元兵皆潰 襄陽山寨

悉平 何真入朝授江西行省叅政 癸亥大將軍

師至河西務進兵通州 乙丑大將軍命衛吏田忠

為通州判官攝州事 丙寅大將軍入通州是夜元

主率后妃太子開建德門北走 福建叛人金子隆

平 水旱免吳江廣德太平寧國滁和糧稅 八月

己巳朔 詔以金陵為南京開封為北京 庚午大

將軍取元都招諭王保保以鎮撫吳勉攝大都路知府事 甲戌以張正常為真人去天師舊號 乙亥

漳州府通判王禕上疏請修德祈天以忠厚寬大為

主 上嘉內之 丁丑遣官釋奠于孔子 仲春仲秋 二上丁降

香遣官祀國學丞相初 定六部官制 先只四部掌 錢穀禮儀刑

獻學士亞獻祭酒終獻 隸中書省尚書正三品滕毅為吏部楊思義戶

名營 建 部錢用壬禮部陳亮兵部周禎刑部單安仁工部各

尚書將作隸工部革司農大理二司 中丞劄基告

還青田 妻 喪 大將軍經理故元都城 巳卯大赦詔

天下 書籍田器等物不得徵稅官逋俱免追 再

定律令 辛巳平元都捷表至京 壬午御殿受賀

徵元都為北平府 徵元故臣入京師 駕發幸

北京 癸未置燕山六衛守北平 停海運于鎮江

多颶風 不可行 詔御史大夫湯和為偏將軍與右副將軍

馮宗異平章楊璟從大將軍西征 免長興安吉秋

糧 戊子大將軍分兵略大同 度北平南城 金之 舊基

庚寅手詔採張冲所言二事 一廷臣各言得 失一擢用忠直 壬辰

克裕州泉白寨擒元平章郭雲 熒惑犯右執法

癸巳 駕至北京 故元留守迭里迷失等謀作亂

玉田知縣史獻發之就擒賞獻金帛 温州人董孟

怡等作亂討平之

指揮吳廣率四百人往捕謂其下曰彼衆我寡與敵非計料彼烏合

且多脅從遣人諭之必思效順如其言果就擒廣合肥人嘗受學余闕故為將通儒術後調汀州衛以壽

終 放元宮人 黜御史妄言者 言陶安隱過云得之道路 令

乘輿諸物應以金飾者皆代以銅 九月戊戌朔大

將軍改元都安貞門為安定門建德門為德勝門

巳亥置大都督分府于北平隸以六衛孫興祖華雲

龍領之 江西行省叅政陶安卒 張興祖下永平

壬子夜太陰犯畢宿 甲寅改各站為驛 犒北

征將士 尋賜戰衣萬領 土官彭萬里為保靖宣慰使 癸

亥下詔求賢尋命文原吉詹同魏觀等分訪 優給

陣亡將士之家 副將軍而下發北平徇下保定中

山真定等處進取澤州絳州潞州 十月戊辰朔

駕發北京 夏主明昇遣使賀平元都 辛未 皇

太子攝享太廟 克澤州楊璟戰于韓店不利 元

兵攻潼關郭子興擊却之 訪求應祀神祇山川帝

王忠烈有功國家及軍民者其實著祀典有司歲時

致祭 丁丑 上至自北京 戊寅以元都平詔天

下 定誣告謀反者反坐 戊子徙北平在城軍民

于汴梁 置京畿都漕司 辛卯以都事汪河為吏

部侍郎 使擴廓留六年始歸故陞 甲午徵元太史院官十四人

司天監進元主所造水精刻漏命碎之 以梁貞

王儀為太子賓客秦鏞盧德明張昌為諭德 仍諭日進讜言

浚後湖及龍灣河 定正旦朝賀儀 并進 皇后

賀 十一月戊戌朔將祀南郊告于太廟 功業未成 天戒未敢

奉配俟南郊竣 事恭請告成 勅有司遇災異以實聞 庚子冬

祀 上帝于園丘禮成還詣 太廟告謝御殿行慶

成禮翌日大宴 大將軍發北平率薛顯等進取山

西 辛丑宴東宮官及儒士于大本堂命作鍾山龍

蟠賦 御製時雪賦各賜冠服 以孔子五十六代

孫希學襲衍聖公 秩二品銀印置官屬希大為 曲阜令世襲并立三氏教授 中

書照磨蘭以權諭廣西左右兩江谿洞官民遇洞人

潘宗富擄掠以護行兵擊破之兩江平 中書及禮

部定園丘方丘宗廟社稷皆親祭羣祀遣官 大將

軍會副將軍于真定收諸未附山寨 停蘇松嘉湖

四府均工夫 戊午康茂才克河中府 大將軍至

平定州 手書召劉基 甲子定乘輿以下冠服之

制并定冠禮 十二月丁卯朔汪廣洋劉惟敬為中

書叅政楊憲為御史中丞 禮部尚書錢用壬賜居

湖州 獲沂州逃將王信 大將軍至太原破擴廓

帖木兒兵克其城 乙巳置登聞鼓于午門外日令

御史監視 大將軍分兵邀賀宗哲于石州 定官

民喪服之制 壬申改宣徽院為光祿寺大史院為

司天監 東宮三師以下朝賀答後二拜 定 皇

太子親王士庶婚禮官員親屬冠服之制 辛巳起

復濟南知府崔亮為禮部尚書 改檀州為密雲懷

柔二縣 凡州之不隸縣治而改為縣者六十有五 築壇雞籠山祭前功

臣胡大海等 文臣没王事者附祭 巳丑頒社稷壇制于天下

壇設城西左社右稷各方二丈五尺高三尺四寸陛三級祭用春秋二仲月上戊日 普立旗纛

廟 孟州復叛 明年正月 符璽郎僕新使高麗 知

府易濟頒詔安南 辛卯以宋冕為開封府知府

賜書夏主明昇 時使者將還

洪武二年巳酉正月丙申朔御殿受賀大宴 皇后受

命婦朝于坤寧宮賜宴 封京都及天下城隍 建

羣神祀享所于南城外 凡載祀典者依期致祭不載者聽民自祭不毀 立

功臣廟于雞籠山 旌節婦鄭氏陶氏 太陰犯井

宿 丁未享 太廟以功臣廖永忠等七人配 定

太歲風雲雷雨諸天神為一壇以驚蟄秋分日祭嶽

鎮海瀆山川城隍諸地祇為一壇清明霜降日祭

翰林院官制承旨正三品學士從三品而下為差

置河間長蘆河東陝西二都轉運鹽司廣東海北二

提舉司各設使領之 分祭天下嶽鎮海瀆之神孔
 克堅祀孔子于闕里 免山東北平燕南河東山西
 河南等處及畿內糧稅 更定 太廟四時時享以
 清明端午中元冬至 爲壇後湖祀馬神 甲寅副
 將軍自太原征大同 以卽位詔諭日本安南占城
 西洋諸國 熒惑犯房宿 製四代帝后冠服祝告
 焚之 故元學士承旨危素等自北平至京授官有
 差 庚申勅諭太原諸將定其位次 副將軍師至
 大同守將竹真棄城走遂入守之 立慶遠南丹等
 處安撫使以夷酋爲之 改中山府爲定州 乙丑

平章韓政攻下蟻尖寨 諸山寨俱攻克降附惟此寨在彰德林慮州西北二十里

元右丞吳庸等據險絕不可登至是薛顯督諸衛兵取之時政守順德列營以進庸度不能支出降得士卒一萬一千餘人 倭掠山東 二月丙寅朔詔修元史 諭以

明白易曉不尚奇古 丁卯遣官釋奠先師 立沅州等處軍

民長官司 占城入貢 遣官祭武成王 遣使占

城爪哇日本等國皆賜書 乙亥立濠州陵碑 丁

丑上陵名曰英陵 行祭告禮 定侍儀舍人及較尉冠服

戊寅大將軍率諸將發太原取陝西 庚辰故元

右丞也速侵通州平章曹良臣禦之遁去 河南府

同知徐麟陞本府知府 麟斬之廣濟人由宣武衛鎮撫三遷至河南府同知時元

之降臣宋玉相與其散卒在河南者謀以是月二日
三鼓集衆叛麟察知之戒掌漏者故延二鼓寇疑不
敢發黎明遣鎮撫胡溥率邏卒往捕與遇于
街巷盡獲之以功陞是職仍賜金帛彩段 遣官

祭馬祖之神 壬午躬享先農耕藉田 增天下神

祇壇于園丘之東方丘之西 凡親祀皆親往省牲

牲遠神壇二百步 乙酉清明享太廟 革各府照

磨檢較 辛卯大將軍至河中作浮橋濟師 壬辰

以詹同爲侍讀學士秦裕伯爲侍制 三月乙未朔

大將軍自蒲州渡河 丙申久旱祭告 皇考妣念舊

時艱苦具草蔬糲飯于宮中者旬日 遣祀三皇以勾芒祝融力牧風

后配享 親祭羣祀凡十八壇 學士朱升奉勅撰

齋戒文令百官遵守 定以三日 升尋以老致仕 大將軍

自鹿臺入奉元路 元西臺御史桑哥失里與妻子俱投崖死郎中汪可仰藥死檢較阿

矢不花自經死三原知縣朱春與其妻皆投崖死 張思道等皆遁改爲西

安府夏德閏署府事 發賑戶賜米一石繼又命赴孟津倉戶給二石 癸卯

副將軍而下進取鳳翔李思齊奔臨洮 辛卯大將

軍造成陽橋發西安承制遣楊璟征唐州亂兵 癸

丑置北平廣西二行省 甲寅擢御史臺經歷劉希

魯爲刑部尚書 乙卯大將軍至鳳翔以指揮吳宏

署府事 增築國子學舍 四月乙丑朔還高麗流

人賜其國王王頴書 大將軍自鳳翔趨隴州先取

李思齊 上命副將軍還備北平取迤北餘寇 戊辰置陝西行省改河南分省為行省 博士孔克仁授諸子經功臣子弟亦令入學 徵元回回司天臺官 大將軍自隴州進兵秦州 元海北道廉訪僉事李文煥乞歸田里許之 給綺帛錢米以舟送至淮安 乙亥編祖訓錄定封建諸王國邑及官屬之制 秦裕伯知隴州 賜納哈出及元主書 時納哈出方據遼陽擾邊 大將軍師至鞏昌降之郭子興鎮守遂征臨洮 免秦隴等處新附郡縣糧稅 丁丑馮宗異師至臨洮李思齊降 克蘭州 大將軍至安定州會州 甲申臨洮

捷奏至 諭大將軍取張思道 以其兄弟誦詐善防之 大將

軍師至靖寧州度六盤山抵開城襲元豫王走之

倭掠太倉守將翁德破之陞指揮僉事 厚賞祭海神 江

南北諸州縣并澤州各獻瑞麥 五月甲午朔日食

更英陵曰皇陵 立衛守之 詔諭吐蕃 丁酉大將軍

師出蕭關下平涼謀取慶陽進次涇州 戊戌端午

享太廟 辛丑張思道走寧夏為王保保所執其弟

良臣以慶陽降 造小玉璽一文曰奉天執中 癸

卯夏至祭皇地祇方丘 改望燎為望瘞 乙巳 上幸鍾山

由獨龍岡至淳化門始騎而人 賜西征將士戰襖十一萬 戊申

張良臣復叛 癸丑置福建行省蔡哲為叅政領之

辛酉詔凡時物太常先薦宗廟然後進御 御史

中丞章溢卒 追封皇外祖考陳公為楊王 皇外

舅馬公為徐王妣王氏鄭氏皆王夫人建廟太廟東

上奉安楊王位 皇 后奉安徐王位 六月癸亥朔 賜國子生夏

衣 丙寅功臣廟成定位次 思州土官田弘正襲

職 父仁厚卒來告哀請命 服闋授賜綺帛錠鈔 祭蘭山壓死軍士 大

將軍自涇州率兵趨慶陽 巳卯副將軍克開平元

主先北奔薊北悉平 壬午陳日燧來貢詔遣學士

張以寧典簿牛諒封為安南國王 日燧巳卒其弟日燧嗣立來迎詔以

寧等不從日燧請于 朝以寧駐安南俟命 乙酉傅友德會兵慶陽 丁

亥造太廟金器成 宋濂為翰林學士王禕為侍制

七月三日乙未詔儒士歐陽佑等往北平采故元

事蹟備修元史 以元統至正間 事無可據故遣 巳亥副將軍還軍

至柳河川疾卒詔平章李文忠領其眾 丙午享太

廟 廣西土官皆命世襲 西蕃寇臨洮擊走之

中書省請徙歸附洞蠻于內地不許 辛卯王保保

遣韓扎兒破原州涇州大將軍命馮宗異臨驛馬關

阨之專攻慶陽 御史謝恕下吏 以欺隱田糧逮捕 百餘人多稱寃者

御史文原吉等以聞 責恕釋其民原吉等被賞 上自審實 明昇來貢 辛

西馮宗異討韓扎兒走之 八月癸亥朔副將軍喪

至龍江 上親致奠哭之 甲子故元總制賀宗哲

攻鳳翔 金興旺 力禦之 高麗來賀請封 上命李文忠會

攻慶陽適元將脫列攻大同文忠移兵擊敗擒之

丁未遣官釋奠先師 戊辰祭大社大稷 定內侍

諸司官制 朝賀仍用山呼舊制 初 上以三唱山呼萬歲為太侈改

為贊呼曰天輔有德曰海宇咸寧曰聖躬萬壽 至是尚書崔亮等以應聲不齊乞仍舊從之 元

史成 學士宋濂侍制王禕總裁編纂者趙壘朱右貝璵朱伯清王濂王夔張孟兼高遜志李越李汶

張宜張簡杜寅俞賓殷弼王夔字常宗嘉定人師事孟長文長文為金履祥弟子故夔學有端緒文章精

巖纘密自詩為多會稽楊維禎以文雄吳越間夔獨目為文妖詆之史成以母老乞歸後與高啓同坐魏

觀事誅 朱伯清名濂以字行義烏人幼從元侍講學士黃縉學預修元史及大明日曆授翰林編修嘗

扈從鳳陽途中作紀行詩以獻上覽之嘉歎尋和其詩賜之陞楚府長史居官恭謹自持所著有文集及

理學纂言二卷以贖致仕後終于家 甲戌書諭大將軍 若克慶陽以

留守回京會 乙亥倭寇淮安鎮撫吳祐擊敗之 馮宗異總兵

葬鄂國公 丙子遣符寶郎僕斯封高麗王 頤為國王 天鼓鳴

定大祀先七日誓戒 癸未大將軍克慶陽 良臣父子

俱投井引出斬之誅其黨以都督僉事陳德守之賀宗哲遁去 甲申考定典祀 每

祀天祇地祇壇為風雨所飄命考古即壇所為屋以蔽者得宋元舊制建屋七間遇風雨望祭焉其壽星

于聖壽日致祭同日祭司中司命司民司祿示與民同受其福也 定郊祀祭器皆

用磁惟籩用竹 行鄉飲讀法之令 賜國子生冬

衣 巳丑大將軍師至原州諸將兵俱會 歲終通

祭不祀于廟門外 四品以上中雷門竈三神 五品以下祀門竈二神 書諭

王保保 減千戶吳朝宗死罪 受賄當死 三山門父母伏道左 上出幸

哀訢惟此子死則老無所 依上憫之減論終養 大將軍遣兵追賀宗哲

渡河 遁去 纂修禮書 召大將軍還 九月二日壬辰

星大如盆有光西南行至天倉沒 丁酉 皇第八

子梓生 定妃達 氏出 故元降將自北平入朝賜冠帶賞

賚 太陰犯南斗 立臨洮為府 辛丑造 御寶

六 日天子行寶天子信寶天子之寶皇帝 行寶皇帝信寶皇帝之寶三白三青 大將軍

發平涼右副將 馮宗異留總軍事 令地方災異

即時飛奏 時禮臣崔亮請分外祥瑞 大小申奏 上答云云 詔以臨濠為

中都 初 上詔諸老臣問以建都之地或言關中險 固天府之國或言洛陽天地之中四方朝貢道

理適均汴梁亦宋之舊京或言北平宮室完備就之 可省民力 上曰所言皆善惟時有不同長安洛陽

汴梁實周秦漢魏唐宋所建國但平定之初民未甦 息朕若建都于彼供給力役悉資江南重勞其民若

就北平宮室亦須更作力亦未易今建業長江天塹 形勢之地真是立國臨濠則前江後淮以險可恃以

水可漕朕欲以為中都何如羣臣皆稱善至 是始命有司建置城池宮闕如京師之制 定文

武官見辭謝恩禮 詔府州縣正官三年一考 復

歷陽縣為和州 丙午高麗入謝并賀壽節請祭服

制度製給之 占城入貢 壬子定蕃王蕃使朝貢

禮 癸丑考宮懸樂制訪求能通音律者 甲寅初

製鐵券 乙卯吐蕃寇洮河指揮韋正大破之皆來
降 賜故元平章歐陽朝佐等冠帶衣服選有才藝
者授以官凡二百餘人 廖永忠朱亮祖還自廣西

皇太子率百官迎
勞龍灣仍送歸第

皇第九子杞生 十月壬戌朔

高麗使者辭歸書諭國王 楊璟至蜀招諭明昇

不聽十一月還

方國珍李思齊食行省左丞祿居京師

庚午勅葬開平王 甲戌甘露降于鍾山羣臣請賀

不許 先七月降

圖徐常二公戰蹟于功臣廟 辛卯令

郡縣皆立學 致書元主 中書省請營後堂止之

設總兵官 十一月壬辰朔大將軍還京 大都

督府都事趙耀為湖廣叅政 始議以 仁祖配郊

位先三日祭告 乙巳冬至祀 上帝於園丘奉

仁祖配還御殿行慶成禮享 太廟 丁未遣元平

章長壽等以書諭元丞相也速 戊申月掩太微垣

癸丑宴諸學士應制賦詩 誅逆人王昭明釋其

家屬

真州人為不軌 上召問詞服
歎曰諸老幼何罪止坐昭明

十二月壬戌

朔 詔諭安南占城罷兵皆聽命 甲子日中有黑

子 改趙耀于北平 討饒州盜平之 封占城阿

答阿者為國王 右副將軍馮宗異至京 宗異不待
召至上

責而宥之 考安南高麗山川致祭 上思州蠻寇平

巳丑 上御殿大賞平定中原及征南將士之功

歲除享 太廟 王保保襲蘭州鞏昌守將于光來

援戰敗被執死之 詔赦臨洮將士亡匿者 慈利

土酋叛 殺千戶覃友仁左丞周德興討平之 設浙東西及福建都轉

運司 西域僧自中印度來朝

洪武三年庚戌正月辛卯朔朝賀如儀 癸巳徐達為

征虜大將軍李文忠左副馮勝右副鄧愈左副副湯

和右副副各將軍分二道北征大將軍出西安左副

將軍出居庸 駙馬王克恭為福建叅政 定文武

官五品以 丹陛左右不得上殿 甲午戒諭御

史臺各道按察司官 時各道皆來朝 募山東木工萊州海

運餉永平 內外風憲官與屬官依品級行禮 賜

來安知府岑漢忠文綺 入雲南招諭定遠諸郡縣十六且上八事 定王

府官制 定朝日夕月禮 吏部請除被黜官于儋

崖等處不許令良吏撫之 遣使祀安南高麗占城

國內山川仍繪圖以進祀版稱御諱勒石紀事 賜

右丞楊憲名畢叅政陳亮名寧 王保保擾邊 定

太廟朔望薦新及獻新儀 薦新有定品獻新者謂四方別進新物也 旌

表節婦三人 建駙馬李貞第于西華門 丁未享

太廟 賑西安鳳翔二府饑民 沂邳二州山民作

亂陸聚討平之 二月辛酉朔 上御東閣學士宋

濂侍制王禕進講太學傳十章 立神帛制勅局

始許羣臣親老者歸養 上行後苑見巢鵲卵 翼喟然而歎允歸養 合祀

天神地祇為一壇 增四季月將旗燹諸神自太歲 以下至四海凡五壇皆親署名

製四方平定巾頒天下 續修元史 召江南富民

入見 戒諭賜酒 食遣之 令羣臣當午道朝見 天子祭天從 午道羣臣朝

謁避之 上去不得越二尺省府臺官俱從午陛 免倉糧歲

久耗折者 郊祀以天下戶口錢糧藉陳臺下 祭畢 藏內

庫其天下山川城池 地理形勝亦圖以藏 罷太倉市舶司 贈肇慶經

歷裴源官二等 以公務至新興縣 遇山賊不屈而死 丙子朝日東郊

丁丑 皇第十子檀生 寧妃郭 氏出 癸未追封郭子

興為滁陽王妻張氏王夫人立廟滁州 指揮金朝

興取東勝州 免運軍飄沒米數 下詔求賢可官

六部者 置留守衛指揮司 專守門 巡警 李文忠進兵

降興和追擒竹真 參考歷代朝服公服之制 三

月庚寅朔免南直隸河南北平山東糧稅 貞節二

人 丙申給朝臣袍帶 羣臣服色准所授散官

丁酉鄭州知州蘇琦言時宜三事 興北邊屯田一 選股肱重臣出鎮

一墾田以 實中原 上命叅酌行之 庚子置秘書監 定

鮒馬都尉班次出入 在百官本品之 上由西門出入 廣西行省上

三事

一南寧州柳州立衛一復設慶遠府一用土兵俱從之

左君弼收所部

軍士千八百人戍廣西獎之

考定諸王冊封禮儀

寶制

丁巳故元祭酒孔克堅卒

戊午大將軍師

至定西

旌處州節婦陳氏及其媳梅氏

詔諭日

本盜劫英山縣討平之

寅登言司以王文卿原

本為司令

受四方章奏

四月三日辛酉以封建諸王告

太廟禮成宴羣臣于奉天殿及文華殿

甲子禁蒙

古色日人更易姓氏

乙丑封第二子煥秦王三子

桐管王四子燕王櫛吳王楨楚王樽齊王梓潭王杞

趙王檀魯王從孫守謙靖江王頒詔安南高麗諸國

丙寅置太宗正院秩正一品

大將軍破王保保

盡降其衆

初昏月掩山薇垣

戊辰大星流自天

市垣北行分為三至虛宿沒

己巳書與元主

壬申安南國王陳日燿卒來告哀

上素服見其使遣官祭賻仍封日燿為王

祭馬援于橫州

庚辰立弘文館以胡鉉為學士

劉基危素王本中皆兼學士

乙酉大將軍械胡德

濟至京特命宥之

丙戌元主殂于應昌

慈利土

酋單屋作亂平章楊璟討之

置磨勘司

月巳丑朔大將軍分鄧愈招諭吐蕃自將取興元

指揮僉事陳德戰歿于岷州

遣使訪歷代帝王陵

寢 定書劄儀式 復置司農司開于河南 巳未册孫

氏為貴妃餘五妃各受册 嚴宮闈之禁 祭告諸

王國山川 舉學識篤行之士 左副將軍進次開

平元平章上罕 都等皆降 都督孫興祖等出塞戰沒 巳亥

詔設科取士頒其式于安南高麗占城 大軍入沔州 辛丑左

副將軍趨應昌知元主巳殂疾進兵癸卯與戰大敗

之明日克其城獲元主嫡孫買的里八剌并后妃宮

人諸王省院以下及寶玉送京太子愛猷識里達臘

遁去師過興州及紅羅山又得其餘衆五萬餘人

建齋宮于圜丘之西方丘之東 丁未詔行大射禮

并及各郡縣 戊申夏至祭皇地祇于方丘奉 仁

祖配 考百官內官于 皇太子諸王前稱禮稱殿下自

稱名官官國官稱臣 前稱 皇太子某王 定服色尚赤 大將軍

至興元守將出降留金興旺守之還軍西安 庚子

處士楊維禎卒癸丑 曰 右副將軍鄧愈克河州 罷

壽星等祀增祀風雲雷雨天下山川 甲寅定神幣

各色帝后二位舊用一加為二天用蒼地用黃日用赤月用白五嶽五鎮四海各隨方色四瀆及諸

水用黑 皆幣一 覃屋誘殺我使切責楊璟益兵討之賊遁

還兵 丙辰免蘇州逋稅三十餘萬石 優卹起兵

將士已死無承襲者之家 書諭納答出 寶雞縣

進瑞麥 六月戊午朔又旱禱雨 上與后妃親執 費為農家食仍疏

布草履親徒步禱山川壇藉藁曝日露星三日夜又 次日辛酉發紗綵賜將較給諸軍薪米法司清獄下 詔求儒術及幕雲令 壬戌旦大雷雨霑足 命各神祇去前代封謚直稱

本號惟孔子仍舊忠臣烈士以初封為實號親署祝

文遣官各處祭告 僧克新三人往西域吐蕃仍圖

山川地形以歸 甲子設糾儀御史 禁淫祀 定

五等勲爵 追封二皇姊 長原公主夫王七一為 駙馬次即孝親公主駙馬

李貞 詔武官有犯非奏請不得逮問 改司天監為

欽天監 壬申左副將軍捷奏至故元皇孫諸王免

獻俘 凡北方擬至嘗什 元者不許稱賀 追謚元主曰順帝 置惠

民藥局 安南來謝 乙亥封故元皇孫買的里八

刺為崇禮侯 以本服見賜冠服其母妃 朝皇后亦如之賜宅優給 祭告園丘

太廟 頒平定沙漠詔于天下 再遣使招諭元宗

室部落 賞知事朱友文綺帛各五匹 諫前張 溫事 汪

興祖破虜于大同 編修羅復仁主事張福傳詔還

自安南 以却餽 見褒 濟南知府陳修及司農司請墾田

從之 詔諭雲南八番西域西洋諸國 普立城隍

廟 其制高廣視 官署廳堂 賜嵩縣典史劉某布帛 入觀衣弊 以清廉見

賞 右丞相汪廣洋罷居高郵 收宋理宗頂骨葬

紹興陵 故元四大王寇大同擊走之 辛巳聽民

立義塚 移江南民田臨濠免稅三年從徙者四千戶 御

史鄭沂上三事行之一設京府尹一設各府理刑推官一增驛遞船轉運官物

增廣太學生定其出身資格仍擇文行兼優者充學

官典簿周循理奏之 改陝西興元府為漢中府 置親軍

都尉府及儀鸞司 討斬惠安縣亂民噶阿綏寧縣

亂民蕭天祐 倭寇浙江福建擊敗之 故元陝西

行省吐蕃宣慰使何鎖南普等來降 七月丁亥朔

續修元史成 定 皇太子以下及羣臣賜坐坐墊

之制 編均工圖冊每歲農隙人京供役率三十日遣歸田多丁少者個人充之給

費 詔建諸王府于所封之國 壬辰置水軍二十

四衛 午門外建亭立碑刻國家政事可為定式凡

政令之善者著為法 宋濂王禕失朝降編修 置

軍儲倉凡二十所 定功臣守墓墳戶 定朔望升殿百

官朝參禮 大星起東北雲中徐行光照地尋散為

碎星沒 革察言司 賜文武官朝服公服 甲辰

明昇來獻大木 賜吏部尚書吳琳致仕 令民占

藉自首 平章胡廷美招集王保保部曲元年以前聽為民二

年後入伍 劉基為弘文館學士 陶凱為禮部尚書

蜀將吳友仁寇漢中傅友德來救遁去 左丞楊憲

坐罪誅以原名頒詔 八月丁巳朔遣官釋奠于孔廟在

曲阜者衍聖公致祭自是歲以為常 巳未康茂才卒于陝

州 置信寶提舉司 定房舍服飾等第 討平濟

寧盜 京師大雨水賑之 詔諭吐蕃暹羅諸國

戊子改應天知府為府尹陞知府藺以權為之 海商死者免

稅 定諸王府教官職名 陶凱請御膳用樂不許

巳卯夕月西郊附祭周天星辰 申禁官民器服

備用黃色及繪帝后聖賢故事龍鳳等形 詔諭三佛齊等國 平海

南盜 祭未宗廟四時之祭用孟月并歲除凡五祭

清明等節各時物薦享 定親王從享功臣配享儀 設京畿

漕運司督倉 設喜處遺骸 是月京師及各省開

鄉試三場 虜寇大鹽池擊敗之 九月丙戌朔皇

從嫂蒙城王夫人田氏薨有節行為上所重 戊子京師城

隍廟成改東岳行祠為之 免屯軍歲租 免陝西民鹽米

先每畝糧一斗鹽六升 在京山川等神降香致祭者御殿俟

回奏免百官侍班 丙申熒惑入太薇 青州民孫

古朴作亂襲莒州執殺同知牟魯魯烏程人勝降不屈賊未敢害擁至

城南鄒家庄大罵被害事聞厚恤其家尋討賊平之 庚子置王府承奉司

諭禮部別祭周天星辰 太子賓客梁貞歸里 諭

學士魏觀太廟祝文止稱孝子皇帝不稱臣太子行

禮止稱命長子不稱皇太子 授降將江文清楊思

親等官招其部曲 招諭遼陽等處官民 西洋諸

國來貢 平沂州茶山賊 定朝會宴享樂舞之數

修禮書成賜名大明集禮 創業初禮制未備 詔中書開禮樂二局集者

儒禮送京師纂修凡吉凶軍賓嘉及冠服車輅儀仗

鹵簿字學樂律爲綱凡儀度名數沿革成具爲目凡

五十卷書 十月丙辰朔聘儒士令諸將帥于午門

番直說書 入朝官許服雨衣 召大將軍左副將

軍班師 重定內使服式之制 癸亥江夏侯周德

典討土酋覃屋 定品官墳塋之制 圜丘執事官

各賜新衣 立征磬法 丙寅流星爆散有聲數小

星隨之忽大如碗至天倉沒 再致書元太子 作

太廟圭瓚 十一月七日壬辰大將軍左副將軍還

京 車駕出勞江上奉還官明日上平胡表御殿朝

賀 丙申大封功臣 公六人侯二十八人 賞蘭州等處守禦

將士 丁酉頒詔天下明日大宴 曹國公領大都

督府傅友德等同知府事指揮王成等僉府事 親

祭戰沒功臣及軍士 庚戌冬至祀圜丘 辛亥令

商人輸米北平 覈民數給以戶帖 甲寅夜太白

犯壘壁陣 乙卯封汪廣洋忠勤伯劉基誠意伯

十二月丙辰朔省臣請徙降虜內地不聽 上謂治虜當順其性

諭禁將官虐軍士 戊午宥松江盜錢鶴臯餘黨

改作天地等坊房壇牲房

郊祭牲與羣祀牲混養不足別事天之敬乃改

作加繪飾中三間養郊祀牲左三間養后土牲右三間養太廟社稷牲餘屋以養山川百神之牲凡大祀犧牲前一月大駕必躬視滌養繼命羣臣更日往視

小鹽池

在察腦罕兒之地

辛酉大明志書成

類編天下道里府州縣之

數

致書元太子招諭和林諸部

故元主子失篤

兒國舅駙馬等來降各賜第宅免私販私鑄人死

罪士定武臣世襲之制以學士魏觀為祭酒宋濂

為司業甲子建奉先殿雷州指揮同知張秉彛

上四事

一造戰船二增兵屯三立城寨四給兵食從之

封右丞薛顯為永

城侯居海南

顯有專殺之罪故謫仍分祿為三一給被殺吳富一給馬軍一養母妻子

命祭無祀鬼神定公侯儀從儒士嚴禮上書言

治道黜之

中言奏事不越中書且請都于杭

祭歷代帝王陵寢

簡京衛軍士吏部請守令久任從之戶口食鹽

許以土物代銀米追捕逃亡軍士

凡四萬七千九百餘人

禁武官縱軍鬻販巳卯置王府儀衛司辛巳陶

凱請選人專任東宮官諭止之自春及冬日中累

有黑子詔廷臣極言得失起居注萬鑑請修德

消災嘉內之

甲申享

太廟

行家人禮免百官陪享

鑄齋

戒銅人是歲趙王杞薨

補遺

元年八月 上在開封詔曰頃幸大梁大梁父老皆曰聖人昔居中原道里適均夫宅中圖大則立國之規模重建邦啓土則興王之根本先其以金陵爲南京大梁爲北京朕春秋巡狩焉

二年正月 勅諭太原諸將曰大軍所至如摧枯拉朽上天眷佑可不敬乎唯諸將軍爾功天授爾生天生也孟子曰五百年必有王者興其間必有名世者古人功高如常常功如無若國家賞功常乃常高乃高也近者大夫湯和定浙左平閩中平章楊璟靖湖

湘定廣西班師還朝以大將軍等滅胡未還未及賞故再使和璟從大將軍征進太原之捷互爲犄掇不亦奇乎璟其居偏將軍和下和其居右副將軍宗異下宗異其居副將軍遇春下協翦餘虜焉 旌當塗縣鄭陶二氏貞節鄭孫添母也陶黎德旺母也復其家著爲令 上與侍臣論待大臣之禮劉基曰古者公卿有罪盤水加劔詣請室自裁詹同因取大戴禮及賈誼疏以進且曰古者刑不上大夫所以勵廉恥全君臣之恩義也 上然之

十月高麗國王顓遣使上表謝封并賀壽節辭歸諭

以書曰使來朕問王政俗城廓甲兵居室言無城有
甲兵不嚴有居室無聽政所王好釋氏民擾於倭去
海濱五十里或三十里始有定居朕雖德薄王已稱
臣入貢合古諸侯事天子之禮夫治亂持危天子所
以保諸侯也王公設險守國王無城廓人民何依國
雖治不可去兵王侍衛不嚴國威何張王無聽政所
何以示嚴民五十里或三十里始有定居則瀕海不
不耕必至艱食君無夷夏唯修仁義禮樂則民化王
所以王莫不由先德王行先王之道則國永長王好
釋氏何能求福修德致福王何不爲國之大事在戎

與祀又聞王國犧牲不育何以供境內山川城隍之
祭今胡運旣終沙塞靡統朕兵未至遼瀋或有強暴
生患况倭久來擾不可不禦王欲禦之非雄武之將
猛勇之兵不可遠戰王欲守之非深溝高壘內儲外
援不能爲備圖患未然轉危爲安朕言甚悉王審圖
之

十二月楊璟自使蜀還言明昇闇弱喻之不悞莫若
舉兵取之上曰兵之所加必貴有名西蜀之地彼
亦安能久據但朕意俟其悔悞來歸則師可不勞民
亦無苦也姑緩之

三年二月召江南富民赴闕上口諭數千言因列而
頒之曰教民榜顧謂侍臣曰朕勉之爲善耳王禕曰
古帝王皆兼君師之任三代而下知爲治不知爲教
陛下治教並行與古比隆處士張翼卒

四月 詔曰蒙古諸色人等朕皆許之入仕比聞多
更姓易名以就中國朕慮其子孫久而昧厥初非古
聖王審本始別婚姻之意中書省告諭之已更者皆
聽改

五月諭中書省曰今人書劄多稱頓首再拜百拜殊
不實禮小人取名字徃徃犯先聖賢或國號禮部定

書式示四方所犯名字禁之 嚴宮闈之政 皇后
之尊止得治宮中嬪婦之事卽官門外毫髮事不預
自后妃以下衣食百物之供皆尚宮奏之而後發內
使監官覆奏方得赴所部關領違者皆坐死或以私
書出外罪如之宮嬪以下有病醫者不得入宮以證
取藥群臣命婦於慶節朔望朝見 中宮無故不得
入人主無有見外命婦之禮 天子及親王后妃宮
嬪等必慎選良家子女而聘焉勿受獻進恐其夤緣
爲奸不利于國至外臣謁寺觀燒香禳告星斗之類
其禁尤嚴 戶部奏蘇州逋負三十萬餘請論守臣

罪 上曰蘇州初附軍府之用多賴之今二年不償
民困可知若逮其官必責之於民民畏刑罰必傾貲
以輸官欲其生遂不可得矣其悉免之

十一月 上既大封功論諸將曰古帝王爵賞酬功
刑罰懲惡故上下相安以致治平漢高帝非功不侯
終不免誅侯君集有功犯法唐太宗欲宥之執法不
可非二君之忘臣勞其臣自冒之也薛顯自盱眙來
歸從朕征討皆著奇跡破慶陽追擴廓帖木兒戰賀
宗哲勇力意氣朕甚嘉焉惟其剛忍屢戒不悛至妄
殺胥吏殺獸醫殺火者殺馬軍殺天長千戶吳富掠

其財富少從朕有功其妻子衰經途次牽衣哭罵訴
寃於朕朕欲刑之人將謂天下初定卽殺將帥今仍
封侯謫居海南三分顯祿一以養其父母妻子一贍
富家一贍所殺馬軍家庶功過不相掩國法無廢卿
等皆宜戒顯所爲

皇明大政記卷之三

臣朱國禎謹輯

洪武四年辛亥正月乙酉朔太師李善長致仕陞右丞

汪廣洋為右丞相胡惟庸為右丞 丁亥 親祀上

下神祇告伐明昇 中山侯湯和為征西將軍率諸

將由瞿塘趨重慶傅友德為征虜前將軍由秦隴趨

成都 魏公往北平 宋公馮國勝往陝西 衛公

鄧愈往襄陽各練兵陝西襄陽仍給餉征蜀諸軍

吏部月理貼貢 定親王宮殿制度 定祭服 天地宗廟

日月用冕服餘則皮弁羣臣品服梁冠 製大本堂玉圖書記賜 皇

太子 建園丘日月社稷山川壇及 太廟于臨濠

二皇姪女仍稱公主 夫王克恭黃球仍稱駙馬 河南知府徐

麟以母老居廝請終養即改為廝州知府便之 復

孔氏子孫二十六戶徭役 定王國宗廟社稷壇壝

之制 丁酉享太廟始行灌禮 置玉圖記二一日

廣運之記一賜中宮曰厚載之記 立內城門禁之

法 巳亥中書省上天下府州縣官之數 府州縣凡一千二百

十九官五千四百八十八員 御史臺進擬憲綱四十條 上親

刪定刊行 賜故元臣禿魯書 諭中書製綿衣襖

賜蔚朔寧夏等處將士 改建外皇祖考楊王廟于

貽吁外舅徐王廟于宿州 皆墓所 定內臣散官 修

治廣西興安縣靈渠三十六陡 中書省奏宦官月

俸 上以此輩衣食于內先給廩米九斗但增為一石俸端不可開 令設科連試三

年自後三年一舉 雨水冰 定文武官歲祿 二

月乙卯朔給大同糧餉修城垣 學士張以寧等還

自安南其王陳日燧表謝以寧卒于道 戊午太白

晝見 詔太常司祭配享之位不用祝文不別奏樂

改鑄小錢 奉先殿成每日朝脯 上及 皇太

子諸王二朝 皇后率妃嬪日進膳月薦新 設各

都指揮使司斷事 定中鹽則例 增中都所隸州

縣 甲戌 上如臨濠 壬午還京 京師火 故

元遼陽平章劉益奉地圖來降置遼陽衛以益為指

揮同知賜勅 三月乙酉朔策貢士俞友仁一百二

十人于奉天殿知貢舉禮部尚書陶凱前侍講學士

潘廷堅 賜吳伯宗郭翀吳公達等及第出身同出

身有差賜伯宗朝服冠帶授禮部員外郎 高麗入試者三人惟

金濤登第授縣丞林實柳伯儒不通華言請歸厚給遣之 改築圜丘方丘壇

賜諸功臣臨濠山地 罷司農司 高麗帶物出境

勿禁 壬寅 皇第十一子椿生 惠妃郭氏出 欽天監

官又任 留山東西鹽課易粟給大同軍 定命婦

封號 安輯山後民戶 丁未定武官襲職例 有族次嫡

無次則庶長子又無則弟侄又無則妻女家屬月給以俸 定有司三年稱職者

給誥 定祭歷代帝王陵寢三十五 凡郡縣以醫藥立廟致祭者以

為褻瀆非崇事之體皆罷 中書省奏舉百官起居之禮及進膳

用樂勿許 元降將謀叛太原指揮葉桂捕斬之

閏三月甲寅朔置羣牧監于答答失里營 賜功臣

守墳人戶 收故元山東北平舊軍十萬九千餘戶

每三戶出一軍隸北平諸衛 定欽天監官品秩

是月楊璟攻瞿塘不利 賜吳興民王升手詔銀絹

復其家 子軫舉人為平涼知縣 四月定七品以下

賜書教以盡職讀書

官員資級 傅友德攻蜀階州克之進克文州汪興祖戰

死 湯和克歸州諸山寨 巳丑定王府官制 朱

亮祖濟師伐蜀 廣德侯華高卒于廣東 學士致

仕羅復仁卒 庚子召陝西儒士趙晉浙江儒士張

羽晉字孟陽入見所言合 上意賜衣授秦府說書以老致仕賜緡錢及勅羽字來儀應對不稱 旨

遣 傅友德克隆州綿州 五色雲屢見 徵天下

儒士隱逸及下第者俱給廩傳至京 冊開平王女

為 皇太子妃 太白數晝見 辛卯定 太廟合

祭功臣配饗 江陰侯吳良討靖州叛蠻平之 立

祠祀元御史大夫福壽 五月乙卯免江西秋糧

造用寶金牌及軍中調發符牌用鑲長五寸濶半之

麒麟首為圓 竅貫紅絲絲 以李守道詹同為吏部尚書 凡吏

人服色用皂 鑄運使銅版印目 禁諸司濫設貼

書 立大社壇于中都取四方 土築之 故元平章洪保保

叛殺指揮同知劉益 定宮中妃主常服及命婦朝

服常服之制 免兩浙秋糧 日中黑子起壬子至

辛巳始滅 六月壬午朔傅友德拔漢州 浦城新

軍作亂殺阮德柔尋討平之德柔浦城人來降授官請收故部曲為兵從之

令嚴急新軍百戶李清率眾殺德柔為亂建 寧衛遣兵擊斬之德柔贈正千戶子文振襲 丙戌

促湯和進兵 辛卯廖永忠破瞿塘入夔州與湯和

並趨重慶 偽夏平章丁世貞陷文州守將朱顯忠
 死之 故元遼東右丞張良佐左丞房嵩貢馬并送
 逆黨授本衛指揮僉事 傅友德攻成都 癸卯湯
 和至重慶明昇出降 定武臣金銀牌制 上自為
 文鈔曰上天祐民朕乃率撫威加華夷實馮虎臣錫
 爾金符永傳後嗣 字皆 陽文 吏部尚書詹同陶凱進宴
 享九奏樂章 山後民內徙者給糧入藉 凡三萬五
 一十九萬
 七千餘人 賜故元臣驢兒書 倭寇膠州 書諭
 納答出 七月辛卯朔存心錄成 事神 祇肅 命馬雲葉
 旺為都指揮使鎮遼東 大將軍自北平往山西練

兵 庚申成都降

有韓 貞女

辛酉太陰入南斗魁帝

曹公按行四川 諭中書祥瑞勿以聞災異匿者罪
 之 乙丑封明昇歸義侯免其叩頭伏罪賜冠帶居
 第 丁卯中書省奏科舉定制 惟吏胥不 許應試 華雲龍

至雲州襲執故元平章僧家奴

太常寺祭馬祖之

神 有神馬曰 飛越峯

中書省移咨占城

安南侵擾占城其 王來告乃移咨并

諭安南

蜀將丁世貞為其下所殺

攻秦州五十日 援至而遁走被

殺當賞 上曰殺 本管非義不許

八月改製用寶金牌

軍機文書 自都督府

中書省長官外不許擅奏有詔調軍中書省會都督
 府同覆奏然後各出所藏金牌入請用寶如督府先
 奉 旨亦如之有不 皇第十二子栢生 順妃胡 氏出
 行約會以姦臣論

乙酉夜天鳴 徙應天治于江浦 釋知縣林弼卽

陞考功郎中 癸巳淳泥國入貢 大發銀于西北

邊易米給軍 降祭酒魏觀司業宋濂為知縣 以考正孔

子祀典稽緩濂上孔廟議言設像從祀廟制冕服祭器等項皆未合古制忤上意 克保寧

執吳友仁蜀地悉平 關中饑賑之 贛州山寇高

州海寇作亂討平之 諭雲南諸蠻 召還劉基

九月庚戌朔日食 乙卯熒惑犯壁壘 丙辰册故

元太傅王保保女弟為秦王妃 分遣御史覈實鹽

課倉庫虛實之數 三佛齊國入貢 禁征海外諸

夷 召宗俊還自暹羅其國王遣使隨入朝貢 定

齋戒期自五日至一日有差 以州縣征稅侵漁令

戶部料多田者為糧長督其鄉賦以萬石為率 改

虎牢關為古殺關 鄭縣民易文通作亂討平之

十月庚辰朔有星起自五平分為二至四輔沒 日

本國王良懷遣使朝貢 同知趙秩先至其國說之乃入貢 定未入

流寇服 丙寅征蜀諸將還京 誅蜀將吳友仁餘

發戍徐州 降虜朶的等叛討斬之 修京師城垣

作諸王宮殿頌圖俟農隙 給公侯佃戶三萬八

千餘戶 十一月丙辰祀園丘 執事官皆給新衣 免西安

王府田租 真臘入貢 召魏觀宋濂為禮部主事

命各屯田三年後每畝收租一斗官吏犯賊罪者勿貸 郭英私占役卒切責宥之 都司官不許世襲 定所管逃軍降罰之例 定功臣祖父封爵及官軍士優卹之例 十二月二日辛巳命鄉試舉人免會試悉起赴京用 更定釋奠祭器禮物 戒勲臣禁戢佃戶 戶部奏天下府州縣官數府一百一十官八百八十州一百九十二官五百七十二縣一千三百官三千四十一 定文武官祖父封贈之典 尚書朱守仁廉察山東官吏 禁南北冒籍 方國真游民充船戶者凡十一萬一千餘人隸各衛 貯茶易馬西番 辛卯賞平蜀將士以

傅友德廖永忠為首湯和楊璟朱亮祖趙庸不賞宥漢中知府費震 嚴出海之禁 定官民揖拜禮 收開平王叅隨皆授京衛百戶 故元施南宣慰使覃大勝兄弟來降 革僧道善世玄教二院 魏公還京師 辛丑夜太陰犯房第二星 洪武五年壬子正月巳酉朔設王府三護衛衛五千戶所及圍子手二所 瑣里國王來貢 虜寇汾州敗之擒八百餘人 犯罪謫南海者俱鳳陽屯田 癸丑侍制王禕偕蘇成諭雲南成北平送至稱為北使者禕被留見殺 辛酉建蔣山法會三日 壬戌瓜哇暹羅斛國來貢

甲子楊載招諭琉球 捕斬宜君縣羣盜 賜魏
 公等交趾弓矢 徙陳理明昇于高麗 各宣慰司
 俱來朝貢 戊辰定武選之法 巳巳命 皇太子
 秦王祭 皇陵 魏公為征虜大將軍出中路曹公
 左副將軍出東路宋公征西將軍出西路各五萬騎
 靖海侯吳禎以舟師運糧遼東 衛公為征南將
 軍征湖貴洞蠻 五色雲屢見 二月巳卯朔討潮
 州盜平之 移兩淮鹽運批驗所于儀真并濬運河
 癸未臨濠府火 安南朝貢以署名有異却之
叔明逼死 日煙自立 蜀陝西逋欠鹽糧 置四川都轉運鹽

司秦州茶馬司 京師火屢發 禁告江西陳氏周
 氏軍者 凡一家父子兄弟從軍者免其父兄 各
 府州縣建申明亭 三月戊申朔悉免京師居民差
 役 將官子弟年幼者入國學稍長隨朝叅 重定
 官民相見禮 置金筑程番長官司以土酋為之
 庚申以魏觀為蘇州知府 丁卯都督藍玉出塞擊
 敗王保保 庚午平澧州洞蠻 辛未定 車駕出
 入清道迎送回避禮 高麗賀平夏請遣子弟入國
 學許之 山東旱災賑之 四月戊寅朔廣東西盜
 起悉平之 命灌頂國師仍舊號招撫朶甘 詔天



下舉行鄉飲酒禮 衛公討散毛等三十九洞悉平
 之 更定品官命婦冠服制度 五月丁未朔命各
 司置齋戒牌 壬子大將軍兵至嶺北戰不利歛兵
 守塞 戊午夏至祭方丘 以早命宮中蔬食是夜大雨 倭寇海
 鹽 募商人永平衛納米中鹽 建昌王溥上言山
 巖歌聲事 六月丙子朔置中都兵馬分司 定官
 官禁令宮宮女職之制 宋公馮勝穎川侯傳友德
 出甘肅大捷降其將上都驢 選民間婦女通曉書
 數願入宮者四十四人 年未二十者三十人賜金遣還止留堪任者十四人
 置遼東金蓋復三州 倭寇寧德縣 自甲申至丁

亥太白晝見 賜京民戶各絹一疋 癸巳定六部
 職掌歲終考績行黜陟 定公主府第及官民婚喪
 儀物內命婦冠服之制 國子監官滿三考者加史
 秩仍任 立養濟院 江陰侯吳良平會同縣蠻寇
 癸卯句容民獻嘉瓜二同蒂而生 上自為贊賞
 獻者 温州逐倭破之 何真收廣東舊部三千五
 百餘人 造紅牌鐫戒諭后妃之辭懸于宮中 曹
 公追虜至稱海力戰相持虜遁去乃還 宣寧侯曹
 良臣等戰沒 中都皇城萬歲山兩雹 度四川田
 作鐵榜申戒公侯 七月四日巳酉五色雲見四

日 丙辰湯和兵至斷頭山遇虜戰不利指揮同知
 章存道死之溢之子也曹公以所獲故元官屬子孫及
 軍士家屬送至京師京師風雨地震 詔戶部經
 理功臣田土 高麗貢馬因奏耽羅國恃險遠不朝
 貢秀蘭山多逋逃乞發兵討罪璽書令審度而行
 書諭故元國公白鎖住 八月乙卯朔定郊祀 皇
 太子留宮中居守 宣慰使靄翠請討所部瓏居不
 許 罷天下進賀 聖節冬至表箋 大造海船禦
 倭 丙戌申明誠諭書成頒天下 河南獻白兔放
 于野 定夕月儀與朝日同 武官謫降者悉赴京

錄用 北平山西餽運先以銀易米 征南副將軍
 吳良等平五開諸蠻凡二百二十洞 倭寇福寧縣 平
 陽指揮僉事張祥追胡戰于古銅山破執 建開平
 王常遇春祠于北平 明州衛指揮僉事張億討倭
 中矢卒 胡兵侵雲內突入州城同知黃理與戰死之援兵至解去 九
 月乙巳朔修 太廟 上親祭告并祭土神 南海
 盜黑鬼作亂討斬之 造護駕先鋒金字牌 遼陽
 降將高家奴等至京 征南副將軍周德興討婪鳳
 安田等洞蠻悉平之遂克泗州城 罷石隴定海宣
 課司已有海禁故也 太原府陽曲縣地屢震 停賀 聖

壽節

并諭止高麗自是節齋居素食不受朝賀

詳定犯賊赦格

占城入貢 十月甲戌朔復置龍虎衛于浦子口

收集武昌新軍五千四百餘人 雜犯死罪輸作臨

濠 定各樂舞生冠服之制 申高麗三年一貢之

命

方物止布十疋

宋公自甘肅班師至京 存恤驛傳馬

夫 蠲應天等五府秋糧 十一月甲辰朔 文武

官奏對者各從班次不得撓越 建公侯第宅于中

都

六公二十七侯

討平化州石龍縣蠻寇 征南將軍衛

公等江陰侯吳良靖海侯吳禎江夏侯周德興俱還

京 庚午將旦焚感犯鉤鈴 同安縣盜伏誅 納

哈出寇遼東

燒糧一餘萬石殺五千餘人

詔徐李二公以天寒

還京令士卒分住山西北平等處 十二月甲戌朔

敘征南功 罷京師浚濠及臨濠作役 庚辰省府

臺各置銅匱藏 聖旨及奏事簿籍 甲申太白晝

見 丙戌定遠等衛火 侍郎魯魯卒 增設四川

永寧茶局 復以主事宋濂為贊善大夫 加封皇

姊隴西長公主為曹國太長公主駙馬都尉思親侯

李貞為曹國公 給僧道度牒免輸錢 庚子詔造

獨轅車 停飼虎豹及它禽獸 虎豹送光祿寺餘皆縱之 土蕃

邀烏斯藏貢物衛公為征西將軍討之 琉球隨楊

載入貢 吳禎黜定遠衛指揮使尋復 再書與元幼

主并與元臣劉仲德朱彥德 築太同城

洪武六年癸丑正月癸卯朔福州温州溫州盜平 造沿海

多櫓快船廖永忠之奏 守令來朝賜酒饌戒諭之 魏

公曹公山西北平練兵尋召還以陸仲亨何文輝代 胡廷美收

集江州沔陽舊將士凡萬四千餘人 羣經類要成

取諸經要言以恒言釋之使人通知仍手釋二章以式 丙午 上御武樓召

賜陳寧宋濂甘露漿 甲寅以舉人張唯王輝等為

編修入文華堂肄業詔宋濂等為之師 上親品其

優劣每食 皇太子親王迭為主 黜右丞相汪廣

洋為廣東叅政 甲寅 上作春光記述對時育物勤政圖治勉

學之意 丙辰免工部尚書黃肅笞罪上以六卿之長不宜加辱得以

贖俸 定教練軍士律 擇國子監官 立西寧衛以

朶兒只失結為指揮僉事 免江西沮壞鹽法商民

死罪輸作臨濠 二月置烏斯藏朶甘衛指揮司宣

慰司二 海賈獻番香阿刺吉却之即舊薇露 暫停科

舉令舉通經博古才德兼全之士 四川蠻酋叛討

平之 辛巳更置羣牧監于滁州秩從三品尋改為太僕寺 安

南陳叔明來謝罪令以前王印視事 禁教坊及天下樂人

勿得以古先帝王聖賢忠臣義士為優戲 定救日

食禮 增築國子學舍 濬上海縣胡家港通海船

城潞州 胡寇永平殺遷安知縣及二指揮 旌

龍游縣民夏文昭四世同居一門三節 興山縣盜

平 庚子出禮刑尚書陶凱吳雲為叅政 牛諒為

禮部尚書 三月癸卯朔日食 昭鑑錄成頒賜諸

王 己巳定設給事中十二人秩正七品分六科

戊申閱武教場 壬子魏公曹公宋公備邊 甲寅

德慶侯廖永忠運糧遼東 壬戌覽臨濠城 陞蘇

州知府魏觀叅政尋遣還郡 釋衛卒王昇罪還家

受親 舊餽 戊辰日交暈 庚午會計京師軍糧官俸月

支米二十五萬五千六百六十石有奇 四月壬申

朔興寧夏黃河迤北及四川西南屯田兼行中鹽之

法 設戶部照磨二人 分蘇州糧二十二萬石由

海道運至定遼北平 定開國功臣已沒者謚號

元臣福壽仍舊贈致祭 境內山川各省自祭惟甘

肅新附祭于京師 戊子以孔克表為修撰兼編修

溫州人孔子 五十五代孫 各行省繪境內山川關隘道里物產

以進 重刻律令憲綱頒諸司 華雲龍上諸關防

守事宐行之 五月壬寅朔 祖訓錄成 上親為

序言其書揭西廡朝夕詳覽首尾六年凡七謄稿至

是方定 定公侯以下家廟禮儀 造渡淮浮橋

六月辛未朔修築京城 定六部諸司設官之數

中都皇城成 盱眙進瑞麥命薦宗廟 虜寇武朔

等州 臨江侯陳德帥 師赴之遁去 罷置遼陽府縣 七月庚子

朔御史中丞陳寧領國子監事 魏公分諸大將備

西北討殘胡 添給省府臺官祿 倭寇山東 壬

子胡惟庸為右丞相 胡寇白登縣擊敗之 大將

軍自北平往山西 八月庚午朔胡兵寇蔚州河州

等處 儒士桂彥良為太子正字 學士承旨詹同

等上孔廟樂章 奪劉基俸一月 釋奠不與祭受胙 以後不與祭者不

致 指揮常守道等破虜于天池山斬其左丞忽都

等 宣慰使靄翠位居各宣慰之上 凡指揮没于

戰陣者皆賜公田 臨江侯陳德等破虜答刺海子

口 建歷代帝王廟于京師 後以文王守臣節唐 高祖無創業功不設

川貴減鹽價納米 更定親屬相容隱律 襲封衍

聖公孔希學來朝 禮部致餼仍賜物九月辭歸資銀 百兩綺帛各五匹宴光祿寺翰林

官儀 度僧道九萬六千餘人 指揮王約襲虜平

章定定獲之 考五輅制度 徙朔州民于內地

都督府奏內外軍衛一百六十四千戶所八十四大

小武官一萬二千九百八十人 胡寇未滅勅問大

將軍占城敗海寇進貢并獻俘優賚之 九月巳

亥朔編起兵以來日曆 南直隸浙江江西今歲糧

稅悉代以綿布 定散官資級誥命制度及常朝班

次奏事禮儀 甲辰設戒飭版榜于午門并省府臺

門 丁未更定有司申報庶務法 重建雞籠山功

臣廟成 禁四六文辭 乙卯命諸司常事奏 皇

太子重事乃奏聞 戊午鑄太和鐘成 建樓縣于園丘齋宮之東

北 庚申歲星犯鬼宿 改臨濠府為中立府 徙邊民入

千戶實之 十月巳巳朔賜弘文館學士胡鉉還鄉 各

番僧帝師之裔鎖南監藏等乞名號護持許之賜勅

及文綺巳賜玉印者不許 辛巳暹羅斛國王進表

中宮却之 後再貢 却高麗貢馬賜璽書責之 馬五

亡者二使私補詰之云進東 真臘入貢 文武

官犯杖罪三次者錫宴不得上殿及內庭 考前代

設立內官之法 置內正司設司正司副各一人正從七品司其事尋改為典禮司又改為

典禮祠 十一月戊戌朔流星起內階北行至文昌

光照地三鼓復如前自紫薇至北斗第三星沒 修

聊城縣顓頊陵廟 占城破安南兵告捷 大將軍

破胡兵于三角村擒其武平章康同僉 民間養官

馬一者免田租五石 立元世祖廟于北平 定園

丘燔柴禮 大輅成 停潞州貢人參太原貢蒲葡
 酒 丙寅冬至 上不豫改郊期于閏月 閏十一
 月戊辰朔陞已沒功臣子孫應襲者二百九人 壬
 午祀園丘 定品官家用祭服公服 田儼使緬國
 道梗召還 復定祭祀齋戒禮 沿江蘆場聽軍民
 採用 刑部尚書劉惟謙詳定大明律頒天下 壬
 辰夜太陰犯心 孝節二人 十二月丁酉併僧道
 寺觀每府州縣止存其一及禁女子為尼 置臨清
 倉貯轉運糧儲 以胡寇徙撫寧縣于內地并罷瑞
 州 開設四川貴州土官諸司 乙丑雨木冰 三

佛齊國入貢

洪武七年甲寅正月丁卯朔令六部官毋得輕調 有年勞首

就本部 陸用 益中立府屯兵 詔都督僉事王簡王誠

李伯昇往彰德濟寧真定統兵屯田 靖海侯吳禎

出海巡捕 定王府前殿曰承運中曰圓殿後曰存

心四城門南曰端禮北曰廣智東西曰體仁遵義

釋成安縣縣丞唐珣于獄 故禁三年 上書得出 陞繁峙縣主

簿虞文采為大同知府 上言山西官吏 不法事得實 曲阜知縣

孔希大當逮問釋之 為人所許以 聖裔得免 禮部尚書牛諒

進歷代帝王像凡十七 節婦四人 二月丁酉朔

日食 貴州兵大破蠻寇 詔 皇太子率諸王詣
 閱武塲祭旗纛 日中屢有黑子 修先師廟及祭
 器其田產荒蕪者蠲稅設孔子顏孟三代子孫教諭
 選直省舍人 擬建閱江樓停之 定掾吏令史
 考滿資格 三月丁卯朔 勅大將軍分布各邊屯
 種 播州田稅隨所入不為定額 停蘭州民著沙
 賞賜 其兄買的叛立賞格購之著沙等斬之來獻
 上以兄固有罪弟手刃垂天倫停賞止給馬牛
 轉漕粟于陝西 壬辰方國真卒 令遠國世一
 朝高麗三年一聘 世朝
 從便 節婦九人 安南陳叔明
 請以弟熾權國事許之 召湯和鄧愈郭子興還

四月丙申朔 都督藍玉等攻拔興和 桂陽蠻叛討
 平之 壬寅太陰犯軒轅 置錢冶所官凡一十三
 一所 雷州民搆海賊作亂討斬之 詔江南諸府無
 水路可通者以金銀錢布代輸 葺高陽縣高辛廟
 致祭 曹公掄元平章太尉 魏公進元俘五千餘
 人 宋公衛公等復鎮北邊 十二月
 召還 召汪廣洋為
 左御史大夫 諸將屢獲故元官屬兵馬 塞外夷
 人皆遷內地 上元縣民史廣妻李氏一產三男給
 錢六千乳之 後為
 例 癸亥稅民瓜果者罪之 五月
 丙寅朔大明日曆成 詹回宋濂等更請輯 聖政

為書曰 皇明寶訓許之 高麗入貢詰之

中云禮送大府

監此元舊名國朝無之詰其不誠

賑蘇州饑民

用米穀三十九萬

修

太廟 禮部尚書牛諒請大祀致齋用周禮日宰犢

進膳不許 減蘇松嘉湖極重田稅之半

每畝原七斗五升

久旱祈禱大雨 學士承旨兼禮部尚書詹同致

仕 六月乙未朔五色雲數見 日本入貢

以無表文却之

復以詹同為學士承旨 按指揮僉事陸齡罪

海運

覆舟四十餘艘溺死七百餘人失糧四千餘石不以實聞

命功臣廟祀各指揮

于兩廡

仍註姓名于籍

戊午立

皇陵祠祭署以江文為

令劉英為丞世襲

汰北方州縣官

凡三百八人

命詹

同議分獻禮

上行禮將畢即行分獻仍罷上香

西域諸國來貢

癸亥召華雲龍于北平道卒 七月甲子朔議增園

丘方丘從祀更定其儀 曹公出塞破虜大獲而還

丙寅太陰行太薇垣中 倭寇膠州海州擊敗之

置西安行都指揮使司于河州以韋正掌之 李

存義為太僕寺丞二子佑伸為羣牧官 陞朶甘烏

斯藏二衛為行都指揮司即以夷酋為都指揮同知

等官

俱韋正所轄

西番獻蒲萄酒却之

辛巳

皇第

十三子桂生

惠妃郭氏出

庚寅太白晝見五日

給諸

司典吏米布 牛諒以怠職降主事尋復

十二月罷

八

月甲午朔躬祀歷代帝王于新廟 申定兵衛之政

詔諭雲南

故元威順王子伯伯往

改中立府為鳳陽府并

立縣 擢郭傳翰林應奉

本釋氏宋濂薦其文上嘉之授官遷考功丞

辛丑侍郎茹太素言三事

一檢舉卷宗一增磨勘官吏一在外會議稽遲按察

司糾舉從之

賜故元臣禿魯及乃兒不花書

存卹已

故武官之後 增宛平驛馬 詔諭大理 定祭祀

日期 增列侯食祿 御史答祿與權請行諦禮祀

所自出之帝議寢 九月癸亥朔李思齊卒

妾鄭氏縊死諡

自烈貞

革浙福廣東三市船司

罷信寶司置寶鈔

提舉司 遣崇禮侯買的里八剌北歸厚賜仍與其

父愛猷識里達臘書 巳卯翰林院奏進回鑿樂歌

改諸王相府參軍為長史 庚寅貴妃孫氏薨

燕山四指揮出塞防秋戰死 十月癸巳朔定授散

官資格 置秦州河州茶馬司 巳未 皇嫡孫雄

英生 十一月壬戌朔孝慈錄成 有 納答出復寇

遼東敗去 頒祭嶽鎮海瀆儀于所在有司 甘露

降于鍾山劉基作頌

洪武四年十月降于鍾山十一月又降今年仍降如初

下詔分別應赦諸人 杭州軍士章憲言鹽法事宜

卽陞鎮撫理其事 官吏有罪發鳳陽屯田者皆召

還授職 罷四川茶鹽運司 壬午太陰犯軒轅左

角 令儒士于諸司習吏事給文綺衣 十二月壬辰朔西番諸國來朝因地授官有差 鑿石灰山河

甲辰御註道德經成有 免收方氏温台明三郡

善兵上遣靖海侯吳禎往收寧海縣知縣王士弘以惡少乘機誣良善上封事 上嘉而寢之士弘

潞州 侍郎李浩使琉球市馬

洪武八年乙卯正月辛酉朔再汰四川冗官 功臣廟

增祀華雲龍李思齊等一百八人 有司訪窮民無

告者給衣糧屋舍 赦山陽縣民代父受杖者 以

故元降將瑣納兒加為治書侍御史 酣飲奪濟寧

侯顧時六安侯王志倬仍諭大將軍禁約 洪武聖

政記成自欽天至制蠻夷釐為五卷 分諸大將練兵屯田開衛

戍守 廣東盜陷會同縣討斬之 丁亥命天下立

社學 河決開封府隄 二月辛卯朔外夷山川附

祭各省山川之次 免雜犯死罪輸作終身餘限年吏犯賊

屯 製陪祀官入壇牙牌 重定頒賜及迎接詔諾

儀 御製資世通訓成有 召大將軍副將軍還

申明馬政 三月辛酉朔造大明寶鈔 置行用庫

復計均工夫役 癸亥熒惑犯填星 皇太子諸

王祀 皇陵 高麗王王顥卒使來告哀 選國子

生分教北方 詔有司考滿無農桑學較實效者以

違制諭 立張巡許遠廟于歸德州 置中都園子
學 甲申德慶侯廖永忠卒 免天下馬夫田租

洪武正韻成 先是 上召翰林侍講學士樂韶鳳宋濂等曰韻學起於江左殊失正音有獨

用當併為通用者如東冬清青之屬有一韻當折為二韻者如虞模麻遮之屬若斯之類不可枚舉卿等廣詢刑定之至是 四月庚寅朔改建奉先殿行祭書成勅宋濂為序

享禮 除衛卒李彥才兵藉 漳州人與子添祿相失二十餘年添祿以薦為

稅課副使求得之請 侍養見許仍除其籍 頒御註道德經及玄教儀

辛卯 上幸中都蹕滁洲 遣官祭滁陽王廟 皇

太子攝太廟方丘祭 壬辰 上祭告天地于中都

告將 建都 乙未詣 皇陵祭 仁祖忌辰 節婦八人

遣官祭常忠武王 曹公祭外祖楊王 辛亥祭

淳后忌辰 丁巳還京 罷中都役作并停遷都

之議 賜六部尚書各省叅政公田祿米各一百石

丁巳誠意伯劉基卒 五月庚申朔內使趙成往

河州市馬 召吳伯宗為助教 先以剛直為胡惟庸所擠貶鳳陽至是召

還使安南獲 馴象授職 朱亮祖同傅友德備胡 減漢中租

徭聽墾田 僉事虞以 文之奏 六月巳丑朔 定安南三年

一朝貢 以李擴等為御史 初教國子生于文華武英二堂號曰小秀才學

成授官擴尋改給 事中兼相府錄事 七月巳未朔日食 以孔克伸

為曲阜知縣賜勅遣之 辛酉改作 太廟 先在皇城東北

至是改于承天門左同堂異室殿東西為兩廡前為櫺星門

曹公往山西北平

代還傅友德朱亮祖

許百官父母喪不待報即歸 國子生

未娶者給錢婚聘女衣二襲廩月一石 辛未翰林

侍制王俱致仕 甲申定五祀之禮 八月戊子朔

己亥勅太師李善長等勸督農事 故元將王保

保卒 妻毛氏 自經死

開登州蓬萊閣河 九月四日辛酉

改建大內宮殿 戊辰湖廣行省叅政吳雲使雲南

未至被殺 故元將張致道數犯邊捕斬之 賜宋

濂醉學士歌 甲申召湯和等還京 十月丁亥朔

築鳳陽 皇陵城 丙申遷鳳陽府治十臨濠新城

壬子 皇太子諸王遊中都講武 詔天下所設

各都衛並改為都指揮使司俱隸大都督府 考議

陵寢朔望節序等禮 浚涇陽縣洪渠堰 十一月

丁巳朔考大祀登壇脫舄之禮 甲戌甘露降南郊

增設六部官 十二月丙戌朔陝西民有妖言得

天書惑眾者斬之 京師地震 糧長雜犯死罪及

流徒者杖之仍掌糧稅納銅贖罪 潮州守將李德

捕倭逗遛坐誅 起叅政陶凱為祭酒尋致仕 納

答出寇遼東守將馬雲葉旺擊大破之擒其驍將乃

刺吾 釋為鎮撫

洪武九年丙辰正月丙辰朔以勲臣子有才者為散騎

叅侍舍人凡一百四人上告祀園丘以諸王將執國也定王

國禮樂并祭祀之制前御史焦普等三十三人為

王府官起鳳陽屯田官吏五百餘人量才用之

諸神壇壝殿成上親告祀壬午册魏公長女為燕王妃

中山穎川二侯延安防護二月乙酉朔定諸王

公主歲祿之數巳丑泰安州得玉簡十六朱真宗祀泰山

后土文仍命瘞之歲星逆行入太薇犯左執法辛丑秦

晉燕等六王往鳳陽觀祖跡辭陵以行太白晝見

五日三月乙卯朔置同文局免山陝及各處糧

稅召見方孝孺宴禮部都指揮常守道破虜

賀州屯軍作亂討斬之四月甲申朔刑部侍郎李

浩還自琉球日本來貢且謝罪先屢寇沿海郡縣命書省移文責

之故以仍再賜詔責諭之各處稅糧許銀鈔錢絹

代輸癸未以火你赤為翰林蒙古編修更姓名曰

霍莊定武官誥勅之制加贈戰沒功臣趙德勝

等七人封號京師自去歲八月不雨至是月庚戌

始雨五月甲寅朔禁秦蜀軍民入西番互市議

喪服之制故元國公九住寇陝西擊敗之工匠

乘危負重死者給棺國子生護送復其家祭葬六

月甲申朔大都督府同知何文輝卒以宋濂為翰
 林學士承旨知制誥兼贊善如故戊子客星見天
 倉至七月乙亥沒巳丑勅魏公捕虜甲子詔改各省行
 中書省為承宣布政使司布政使一人左右叅政各
 一人巳亥重建奉先殿工完奉安祭告召還岐寧衛
 經歷熊鼎中道為虜切殺錄用武官子弟遺棄者七月
 癸丑朔日食壬戌太師李善長子祺尚皇長女臨
 安公主甲子立倒鈔法以監察御史王偁等一
 百二十三人為知府知縣等官免蘇松嘉湖租三
 十萬石伯顏帖木兒入寇潁川侯大破之餘眾縛

之以降

誅樂平刁民

誣大姓五十家者

八月癸未朔以

吳印為山東布政使

本釋氏以才復姓用之

遣官祀歷代帝

王陵寢

仍修葺防禁

虜寇河州擊却之

九月壬子朔

召秦晉燕王還自鳳陽

御史大夫汪廣洋陳寧劾

太師李善長赦不問

戊寅

皇第十四子模生

金星犯上將

璽書勞福建叅政魏鑑瞿莊

以笞殺奸吏

故元太尉神保等來降

閏九月壬午朔灾異詔

求直言

丙午海州學正曾秉正上疏

上嘉之召

赴京師授官

秉正南昌人後為通政使十五年冬以作聰明探主嚮切責免歸鬻四歲女為

行資上聞怒下腐刑

訓導葉居升上三事下獄

罷弘文

館 十月辛亥朔 巳未新太廟成奉安神主 德

祖帝后南向三祖帝后東西向 先各立廟至是同堂 異室親王侑于東皆

有定位木牌功臣侑 于西初無定位紙牌 四川黃平等處寨蠻悉平

釐正律條 諸王練兵鳳陽 十一月辛巳朔徙山

西真定民于鳳陽屯田 蘄水縣民王燾七世同居

旌其門 節婦五人 西域獻良馬 戊申靖江王

就國 十二月庚戌朔頒建言格式令直陳得失無

事煩言 茹太素言五 事冗長故頒 定諸司官以九年為滿 放

故元官蔡子英歸塞北 沐英詣關陝至熙河問民

疾苦

洪武十年丁巳正月庚辰朔宋濂致仕 丙戌工部奏

差張致中言三事 一選用御史一立常 平倉一開北方荒田 上嘉之擢

宛平知縣 罷將作司思文監 命吏部聽選者早

與銓注賜道里費給舟車送之著為令 安南陳瑞

攻占城大敗被殺 高麗為故王王頴請謚號以弒

立不許 二月巳酉遣官祭歷代帝王及先農 皇

第十五子植生 妃韓 氏出 蘇松浙西大水賑之 御史

十三人分巡山東等處 白虹貫日 三月巳卯朔

國子助教錢宰致仕 凡官員已故者免其家徭役

三年 復薛顯所減之祿 四月戊申朔鄧愈為征

西將軍沐英副之討土番 故元安定王十烟帖木

兒為其下所殺

曲先指揮沙刺殺之復為安定王子板咱失里所殺失里尋亦被殺

五月戊寅朔覈戶糧州改為縣者十二縣併者六十

靖海侯吳良仍海運遼東 糧長萬石以上者增

副長一人 許邊民團結防虜 曹公往鳳陽視師

尋同韓公議軍國重事 鄧愈追土番至崑崙大捷

戶部主事趙乾以賑濟遲緩誅 縣丞王基乞發

山海寶藏及禁職官言事黜之 遂內臣言及政事

者

并諭羣臣決去之意

六月丁未朔定各道按察司各府首

領官資格 革磨勘司 鄧愈報捷班師 令大小

政事先啓 皇太子處分然後聞奏 長子縣稅課

大使康有孚上三事嘉納之

一重學較二褒忠良三文武並用

大

臣韓魏兩公而下十八人分祀岳鎮海瀆 七月丁

丑朔 殺山東副使張丁 甲申置通政使司 給

諸司散官 劉璉為國子監丞 基之子 遣御史巡按

州縣 北平等八府大水 淡巴國入貢 八月丁

未朔 庚戌改建圓丘合祀天地曰大祀殿 辛亥

置寶泉庫 選武臣子弟入國學讀書 改建社稷

壇

在承天門之右

定官員儀從 免浙西被水田租 九

月丙子朔 占城暹羅斛國來貢賜詔諭之 轉右

丞相胡惟庸為左注廣洋為右丞相陳寧丁玉為左
右御史大夫 監生分教北方者俱召還擢用 十

月丙午朔 社稷壇成行奉安禮升上祀奉 仁祖

配 壬子觀心亭成 宋濂來朝 已卯熒惑犯輿

鬼 良家子弟充驍騎舍人者悉放還 封沐英西

平侯 賜百官公田 遣使立三佛齊國王 大內

宮殿成 制度皆如舊 稍加增益 十一月乙亥朔 宥天下罪

人犯杖一百以下者 已卯 皇第三孫允炆生 建文

皇帝 瓜哇國入貢 衛國公鄧愈卒 丁亥冬至合

祀天地于奉天殿 宥江夏侯周德興 有罪當下獄 上特赦之因

詔諭將相大臣善自保持 四川土酋董貼里叛丁玉為平羗將

軍討平之 諭新除有司官 十二月己巳朔日食

丙午諭太師李善長等自今政事啟東宮者大臣

更為叅決可否 錄死事及病故功臣子孫五百一

十人授指揮千百戶有差 戊申置神宮監 掌太廟 灑掃陳

設之事 甲子夜白虹貫月 是月各道按察司官來

朝 諭以風憲盡職 高麗五入貢 上皆不納 以嗣王為人 所制命 中書

省徃規 虛實

洪武十一年戊午正月甲戌朔封皇子椿蜀王栢湘王

桂豫王模漢王植衛王改封吳王橚為周王 已卯

進封中山侯湯和為信國公 皇第十六子楠生

丁亥雨木冰 安南國使來告哀遣中使祭弔 徵

天下布政司官及各知府來朝 二月甲辰朔 議

減鹽價 浚滹沱河 皇太子祀 皇陵 東平侯

韓政卒 指揮胡淵平茂州蠻立衛守之仍會平羌

將軍丁玉征松藩等處 三月癸酉朔分考績官為

三等稱職而無過者為上賜坐宴有過稱職者為中

不坐宴有過不稱職者為下不預宴立于門宴者出

方退 壬午秦晉二王之國 太宗周楚齊四王還

駐鳳陽 太子正字桂彥良為晉王右傅 俘四川

茶洞獠悉宥之 丁酉始製牙牌給文武朝臣 定

賞賜軍士節錢恩例 禁奏事關白中書省 四月

癸卯朔 重建 皇陵碑 上親製文勒之 元嗣

君殂于沙漠 子脫古思帖木兒立 五月壬申朔 皇第十七

子權生 癸酉編纂春秋本末 類分列國附左氏傳之後首周次魯先晉

齊後吳楚 定天下歲造軍器之數 免蘇松嘉湖逋租

六十五萬有奇 宥廣東左右叅政劉益康濟 嘗以國子

生侍諸王學于文華堂者 河州指揮徐景破虜 六月辛丑朔

遣使祭元嗣君 後又再遣 五開洞蠻作亂殺指揮僉

事過與遣楊仲名帥師討之

七月三日辛未 皇第四孫高熾生是為 仁宗皇帝

丁酉禁謫戍人不得上封事 以茶紙衣服往宰東

市馬 詔諭故元丞相驢兒于應昌 蘇松台楊海

溢賑被災者 八月庚子朔 免應天太平鎮江廣

德諸府州秋糧 諭納答出 九月庚午朔御殿受

曆 收安吉侯陸仲亨公田奪汝南侯梅思祖俸

達 已丑客星掃天井西南行至十月已未陰雲不

見 丙申追封劉繼祖為義惠侯 捐地葬仁祖帝后

者妻婁氏王夫人 永寧下池賊作亂討平之 賜助教貝瓊致仕

十月二日辛丑改太原府城隍為晉國城隍之神 各

如 庚戌駙馬都尉曹國公李貞薨 以梅殷為駙

馬都尉尚皇第二女寧國公主 大祀殿成 十一

月庚午朔 五開蠻平 西平侯沐英討西番 皇

太子妃常氏薨 臨江侯陳德卒 賜丁憂知府李

亨米鈔 治蘇州 十二月已亥朔 除蘇松杭嘉湖

魚課 學士宋濂衍聖公孔希學來朝 衍聖公例有

勅慰勞禮部 僧宗泐等使西域 辛丑太白犯壁

壘 賜前廣西布政使臧哲米鈔仍令服闋來朝 自

以喪去官 庚戌辰星犯南斗 遣高麗使人還勅

者皆有賜 諭之 責以挾詐及 諭故元丞相哈刺章等 擒元

平章完者不花

驢兒部屬
送還之

補遺

四年二月以大同遭亂空虛撥山東糧十萬石運至
平定州山西接運至府并附近太原保安諸州縣稅
皆以濟之又起蔚忻崞三處民丁與軍士協力修浚
城塹 寶源局所鑄大中洪武通寶大錢皆鑄京字
於背其後從省民間以二等大錢無京字者不行故
命改鑄為小錢以便之 賜在京軍士十四萬三千
二百餘人錢各三千六百文 遣官往廣東買耕牛

給中原屯種之民

後道死者
俱免償

八月宜春侯黃彬捕贛州山寇平之 高州海寇何
均善聚眾數百人為患業已捕戮餘黨羅子仁等遁
去復劫奪府印逼通判王名善從已不屈執至霞洞
新營遇害雷州衛遣千戶黃清領兵禽子仁等三百
餘人斬之

十二月改貴州衛屬四川

舊屬湖廣以
水路遠改之

五年六月夏至祭方丘還宮 上諭 皇后妃嬪曰
方農時天久不雨秧苗尚未入土朕甚憂之汝等宜
皆蔬食自今日始候雨降復膳是夜大雨水深尺餘

皇后具冠服以賀

六年四月置御藥局于内府尚藥奉御等十二人俱
内官内使克之太醫官四人考選克之凡御藥醫官
就二局修製太醫官診脉御醫參看較同約會奉御
就内局將藥貼連名封記具本開寫本方藥性治證
之法於日月之下醫官奉御書名以進置簿曆一用
中書省印記烹調御藥太醫官與奉御監視每一服
合爲一服候熟分爲二器一器御醫先嘗次院官次
奉御其一器進御 崔文昇李可灼
得免罪可乎
七年六月日本僧宗嶽等七十一人遊方至京 上

諭中書省曰海外之人慕中華而來令居天界寺人
賜布一疋爲僧衣

八月北平副使劉崧言宛平驛當要道而驛馬之數
與僻地同宜增 上可其奏顧侍臣曰驛傳勞逸不
均甚爲民弊崧以爲言民獲惠矣朕一身任天下之
事聞見計慮豈能周徧爾等體此竭心爲朕訪察民
間利病何事當行之毋爲容默保祿而已

八年三月中書省奏大都督僉事吳復曹興謝成例
應給公田米一千石吳復先任指揮已賜公田二百
石今請以八百石益之 上以曹興居大同時多不

循軌度調福建又受王駙馬賂謝成在山西擅奪民利惟吳復祿如請興成二人不給
九年正月山東行省言遼東軍士冬衣每歲秋冬運送時多逆風艱於渡海宜先期於五六月順風之時為便戶部議為方今正擬運遼東糧儲宜附運綿布二十萬疋綿花一十萬斤順風渡海為便從之
勅遼東將士曰納哈出以塞外餘寇越我遼蓋二城直犯金州是時州城未完戍卒寡少指揮韋富王勝保城却敵又出奇獲彼裨將與將較軍士宜膺上賞蓋州城池雖完然彼眾我寡若無素備豈不為彼所乘

指揮吳立張良佐房嵩按兵堅壁備禦多方可謂能守因能挫敵及敵自金州北歸諸將士又能阻關塞隘晝夜戒嚴敵不敢復向故道自析河遁去又從都指揮葉旺追擊俘斬甚眾較之金州將士功差居次賞亦如之旺又與都指揮馬雲同心協力一出一守皆為得宜旺雖居佐貳躬率將士衝冒險難應變出奇敵人失勢追奔逐北可謂智勇兼濟宜膺上賞雲居首職選精銳助旺成功亦其能也然坐守北之出戰稍安宜膺次賞於是賜葉旺文綺帛各十八匹馬雲各十三匹金州衛指揮各八匹遼蓋衛指揮各五

匹餘以次減至一帛一布陣亡者倍之

雲旺戰功見本傳甚偉其

難易次第 賜勅更明功 賞如此孰敢不效死力乎

五月 上以登萊二州皆瀕大海為高麗日本往來要道非建府治增兵衛不足以鎮之遂割萊州文登招遠來陽三縣益登州為府置所屬蓬萊縣復以青州府之昌邑即墨高密三縣補萊州府

六月陞彭州知州胡子祺為延平府知府子祺吉水人洪武三年以儒士舉赴京試中選者十九人桐廬魏潛王訥河西李顏永豐丁節永嘉許士宏萬安夏瓚樂清李時可衛輝陳士舉龍泉劉谷蕭暉合肥夏

起瑞安馬為漢分宜劉沂平陽孔希晉永新歐陽子韶太和王子啟安福歐陽楚廬陵胡伯清與選列適太史奏文星見 上嘉十九人皆擢監察御史子祺首上書請都關中 上稱善 見開國傳 即胡壽昌

七月雲南人苟德祖仕元世襲邛部州六蕃招討使明氏據蜀德兄安復為黎州招討使明氏亡夷民潰散德奉母還居邛部至是四川守臣招之德遂來朝貢馬且請置官司 詔以德為黎州長官賜印及衣服綺帛 西域產一馬甚異 上遣使者諭其酋長不得已乃陰傷其足來獻 上命典牧所善養之至


是馬瘡來進 上爲良馬說復命儒臣爲文以述其事 役夫每每遁走遣衛卒巡視有二人伏草中卒意其役夫也叱之二人持杖起卒執其甲而乙前擊卒卒以槊刺之乙死甲始言二人亦邏兵非役夫也法司以鬪毆殺人律論二卒當死 上曰衛卒夜巡詰奸職也乙不自言其實而反擊之故彼刺死卒亦何罪釋之而賜乙妻子鈔爲葬費 十年三月增置滁陽儀真香泉六合天長五牧監滁陽設群二十二儀真六合各七香泉八天長四俱隸太僕寺計牧種馬五萬七千三百八十五匹

十月瓊州府軍餉舊于廣東漕運涉海艱險募商入

粟給鹽 倉副使李德新之奏

十一年十一月初山西旣平唯靖樂縣餘孽四大王遁入蘆茅山數出寇掠爲患千戶唐誠吉率兵於同瓦溝掾坊山捕其黨哈刺張送京師斬之至是復于寧化鎮築城設千戶所爲必滅之計尋 上以急之則脅從者懼罪從之益堅寬之則各有身家一旦思其鄉土自當逃散於是罷兵但令山西諸處嚴備至二十一年四大王窮蹙詣晉王府降 上以元之子孫宥之厚賜命隨沐英戍守雲南

寛政戊午



卷之三終

